

SPEAKER : Chutah chuan, tlakchham nei lovin duh tawkin chaw in ei ang a, chung rama lungte chu thei a ni a, tlangah te chuan dar laih chhuah tur a tam mai. (Deu . 8:9) Zawhna leh chhana hun an hmang ang a. Zawhna pakhatna zawt turin Pu C. Ramhluna kan sawm ang a, a chhang turin a enkawltu Chief Minister zahawm tak Lal Thanhawla a ni a; Amaherawchu a ni hi thil tul dangah a kal avangin Pu R. Lalzirliana charge pein ka hria a, chu chuan a chhang mai ang a. Zawt turin Pu C. Ramhluna i lo sawm ang u.

Pu C. RAMHLUNA, (MNF) : Pu Speaker ka lawm e. Power and Electricity Department Minister zahawm tak chhan atana ka zawhna chu hei hi a ni. (a) RGGVY (Rajiv Gandhi Vidyutikram Yojana) hnuai ah hian Lawngtlai District chhungah khua engzat nge tih en ni tawh a, (b) Khua engzatnge la tih en loh ? Khua la tih en lohte hi engtik hunah nge tih en zawh theih an nih ang ? (c) Sub-Station thar siam tumna a awm em ? (d) A awm a nih chuan khawiah nge dah tum a nih ? tih ka zawt e.

SPEAKER : A chhang turin Pu R. Lalzirliana

R. LALZIRLIANA, MINISTER, (INC) : Kan Chief Minister hi Kolasib ah kal a tul avangin a lo kal thei lova, chuvangin a aiawhin zawhna ka lo chhang dawn a ni i phalna zawhna 1-na (a) Lawngtlai district huam chhung ah hian RGGVY scheme atanga khua tih en a la awm lova, tunah hian khua 68% tih en tum mek a ni tih ani a, (b) na khua la tih en loh te hi engtik hunah nge tih en zawh theih anih ang ? a chhanna chu heng khua 68% te hi March 2010 tih en vek beisei a ni.(c) na Sub-Station thar siam tumna a awm em ? Chhana chu awm e, 33/11 KV Sub-Station thar pakhat siam tum a ni. (d) na A awm anih chuan khawiah nge dah tum a nih tih hi Chawngte ah dah tum a ni.

SPEAKER : Zawh belhna Pu C. Ramhluna

Pu C. RAMHLUNA , (MNF) : Pu Speaker, ka zawhbelhna chu khua 68 kha la tih en loh tia chhan kha niin ka hria a, hei helaia a booklet min pek ah hian hei hi Chief Secretary in ni 31.8.2009 a minrawn pek kha a ni a, unelectrify village kha 20 ka bial chhung ah bik ah khan a awm a. Electrified villages hi 38 awm angin arawn ziak bawksi a, khalai chhanna kha min han hrilhfiah deuh se ka va duhem ? An mahni ngei in a list minrawn pek a ni si a, hetah hian khaw 38 hi tih en an ni tawh a, khaw 20 hi tih enloh ala ni e, tih kha ani bawksi a, Tin, Pu Speaker, kan hriat chian leh duh chu; khami khua englo pathum kha tunah hian a eng lawi bawksi a, chu pawh chu Ngengpuitlang tih te Chamdur P-1 leh Chamdur P-2 te kha a ni a, Tin, electrified villages ni tawh a langah khan, khawpasarih Chamdurtlang 1 tih te Dunzau I te Fangfar lui te Lunghau-ka te Mautlang-te, Tuichawngtlang te hi tunah hian a eng lo bawksi a. Khang ang te kha department lampang te hianin a record hi an siam fello nge ni a, helaia chhanna nen khan a inmillota riau a, chuvang chuan khalai kha a enfel theih em tih kha

kan zawt duh a. A chhan chu hei hi ZEDA ho nen a in connect tlat a, tunlai in ZEDA ho hianin Solar energy hi an sem a, helai a elctricfied villages an tih a kha an pek tak tak theih silova, mahse a eng bawk silova chuvang chuan a buai riau a, kha lai kha min enfel sak thei em aw tih ka zawt duh a, khilai khua te kha an buai riauva, tiang chuan khawdang pawh an buai ve tho mai thei a. Khallai a kha min chin fel sak thei a ngem ? Khilai khua englo ho hi ZEDA atang te hianin, tunah hian Solar Power hi pek theih ani ang em? tih te pawh kha kan zawt tel nghal nise a tha ang e. Ka lawm e.

SPEAKER : Zawh belhna, Pu Lalduhawma

Pu LALDUHAWMA, (ZNP) : Pu Speaker, a changtu tak a awm lova, a pawl hle a, kan zawt tho ang a. RGGVY hi Mizoram pum huap thil a ni a. Kan hriat angin kan Budget atang chuan engmah han telhna tur sum kan nei lova. Hei hi Vaibelchhe 100 dawn lai a nih vangin kan nghahfak a ni a. 2004 velah khan agreement sign a ni daih tawh a. Sanction hi 2008 khan a lo kal laih laih chauh mai a, hun kan khawhral hnem tawh lutuk a. He scheme hi khaw la eng lote leh eng leh BPL connection nei lo zawng zawng a thlawna pek tur scheme a ni a, chumi atan chuan engatinge a hna thawk tur hian hnam dang kher kher hi Sawrkarin a hman ? A material te chu Mizote pawhin an supply ve thei tho lom ni ? A thawkte pawh kan department-te hian an thawk ve thei tho lom ni ? Chutichuan, kan hriat danah chuan a material hi an chahthleng emaw vel chauh a la ni a, engmah an la thawk tak tak lo niin a lang a, hemi hna thawk tur hian khawtin Village Council-ah Monitoring Committee din tur a ni a, chungte chu khaw engzat nge an din tawh ? Chumite chuan an hriatpui em ? An hriatpui lem hleih loh hian contractor-te hian chutiang khatieng kan ti tawh paper ah hian nalh deuhin an zia ang a, eng hmu silo hian kan awm mai ang pawh hi ka hlauthawng a ni.

Tin, BPL family a thlawna connection pek tur census hi an zo tawh em ? Material-te a awm tawh anih chuan engtikah nge heng khua tih en loh te hi a ram pum huap ang hian complete theih kan inbeisei tih kan zawt duh bawk a. Tin chu loah chuan ka zawh tawh na ang khan, a scheme ah hian khaw eng tawh tam tak eng pek thar turaziah a awm tih kei pawn ka hria a, transformer bun tumna, mahse transformer nei tawh si te pawh an awm tih ka hria a, khang kha khawi ah emaw an divert kual leh dawn a ang a. Tin, khaw awm miah tawh lo te pawh a list ah hian a awm tih chiang takin ka hria a ni. Chuvangin chuan Department hian an hnathawh tur khua te leh a mamawh leh mamawh lo khua te kha hei ai hian an hre chiang thei deuh lawm ni, tih te kan zawt bawk a nih chu.

SPEAKER : Zawh belhna, Pu Lalrinawma.

Pu R. LALRINAWMA,(INC) : Pu Speaker, zawhna neitu member zahawm takin a Chief Secretary atanga a dawn a rawn zawh ah khan, Un-Electrified village kha sawmhnih (20) chauh a ni e ati a,hei kei ka dawn ve ah chuan tun a a chhan na ang chiah

khan phék nga (5) naah khan sawmruk pariat (68) kha a ni chiah mai a Un-Electrified village kha. Hei hi a bu kha a in ang lo an sem nge ? tih ka zawt e.

SPEAKER : Pu R.L. Pianmawia

Pu R.L. PIANMAWIA, (INC) : Pu Speaker ka lawm e. Zawh belhna, 7th Tuivawl bial chhungah hian khaw sarih (7) Chhanchhuahna khawpui te, Sunhluchhipte, Khawpuar, Tinghmun, Zokhawthiang, Mauchar, Palsang te hi RGGVY atanga tih tur tho kha ni in alang a. Heng te hi engtik ah nge eng pek an nih ve theih ang tih ka zawh belh e.

SPEAKER : Tun a member zahawm tak rawn tih kha chu waviin a kan zawhna turah hian a lang tho va Nakinah a chhanna hun lamah te, a chhangtu kut lamah te awm sela. Pu Lalthansanga.

Pu LALTHANSANGA, (MPC) : Pu Speaker, ka lawm e. RGGVY atang hian in, hei hmalakna tur tam tak an rawn sawi a. Sub-Station chungchang bik ah hian kan hnung deuh hlek atang khan Khawlailung eng thatloh avang khan nasa takin harsatna an thlen tep a. Chumi chungchangah chuanin a department hianin Sub-station thar hi siam kha an tiam niin ka hria a. Kan zawhna hian a relevant thova ka hriat avangin engchen nge hmalak anih tawh tih hi min hrih thei em ? tih hi kan zawt tel a ni e.

SPEAKER : Pu K. Liantlinga

Pu K. LIANTLINGA, (ZNP) : Pu Speaker ka lawm e. Hemi RGGVY scheme tho khan Hei hi BPL family te kha eng pek tur an ni a. Hei hi Central lam atangin CSS a hmuh a ni em ? tih leh engzatnge hetah hian hmuh a nih tawh tih leh a amount hi min hrih thei em aw ?

SPEAKER : Pu R. Lalzirliana, Minister a chhan theih ang angin han chhang rawh se.

Pu R. LALZIRLIANA, MINISTER, (INC) : Pu Speaker ka lawm e, a tam khawp mai a, a department changtu lamin helai atang pawhin kan lo zawt fiah ang a, tuna mi te kha kan lo enzui ang a. Kha a zawhna main question neitu Member zahawm tak Pu Ramhluna khanin Chief Secretary Deptt. lam ziah leh tuna chhanna a in anglo a ti a. Helamah Pu Rinawma khanin helai chhanna nen khan a inang a ti tho si a, kei pawh ka

buai thova. Khalaiah khan a eng ber kha nge ni dik zawk chu ka hre lova, kan chhanna hi dik turah chuan ka ngaia kha kha alo hlui deuh zawk pawh a awm ani mai thei a, Typing mistake te pawh a awm ani mai thei e, kha kha chu la ennawn leh ani ang a. Engpawhise kan member zahawmtak Pu Ramhluna te, Pu Duhawma te, Pu Rinawma, Pu Lalthansanga, Pu Pianmawia te leh Pu Liantlinga te in zawhna kha helai ah department changtu ten a department lam officer te pawhin an hria a. Nakinah remchangah la in chhang fel turah ngai ilang. Tin, helai ah hian a then eng tawh a awm si a, a then englo a awm si a tih hi zawhna awm thei tak a ni ang.

Amaherawh chu RGGVY in a tih en leh helam a midangin a department lamin a an lo tih en te kha a eng veka, an hna kha a in kal thelh ve a, churang chuanin tunah mai hian ka thliar hrang thei lova, tin, hemi RGGVY hi kum 2007 ah khan census base a siam a ni a, churang chuanin a rei deuh hlek tawh a. Hemi an saim lai hian khaw 137 tih en tura tih ani a. Chuta tang chuan tunah hian hma an rawn la chho zel a ni. Tichuan tunah kan hotu tena an han sawi ah khanin Pu Pianmawia zawhna kha Speaker khan an ti takna a, Chhan hman loh a hlau nge ka hrelova khating anih kha chuanin ziakin ah alo kal leh anih pawhin kan kalpel thei tawh mai ang chu maw. Pu Speaker kan chhang law law ang a heng a khaw rawn sawi Chhanchhuahna khawpui tih te, Sunhluchhip te, Khawpuar te, Tingmun te, Zokhawthiang te hi RGGVY ah chuanin kum 2010 ah hian telh vek tum a ni bawk e tih kha kan chhanna ni se langin. Member zahawm tak tena an rawn zawh – Engatinge contractor hi Vai kher, hnam dang kher? Tihte pawh kha zawhna awm thei tak a ni a. Tunah hianin contractor hi tih leh hunah chuanin thudang ni selangin lo thlanfel mek tawh a ni a. Kha zawhna khanin thui tak kori a zuk tu hlei thei tawh lova, kan cancelled leh si chuan pawisa tam tak kan chawite pawh a ngai tawh si ang a. Churangin tunah hianin a material tam tak khaw tam takah an supply tawh a, an dah tawh a, chu chu ka chhan theih ni mai teh se.

SPEAKER : Starred question No. 2-naah kan kal ang a, a zawt turin Pu P.P. Thawla i lo sawm ang.

Pu P.P. THAWLA, (MDF) : Pu Speaker, ka lawm e. Higher & Technical Education Department Minister zahawm tak chhan atan Mizoram-a Government College Lecturer hmunruak awm nualte hi tihkhah tumna a awm em ? tih ka zawt e.

SPEAKER : A chhang turin Pu Lalsawta, Minister for Higher & Technical Education I sawm ang.

Pu LALSAWTA, MINISTER, (INC) : Pu Speaker, member zahawm tak Pu P.P. Thawla zawhna Mizoram-a Government College hnuai hmunruak awm nualte hi tih khah tumna a awm em ? tih chungchangah chu, “Awm e” tih a ni phawt a. “Lecturer Post ruakte hi hnawhkhah tum a ni a, DP&AR leh Finance Department-te phalna lak a nih hnuah Mizoram Public Service Commission (MPSC) kaltlangin hnawhkhah ani ang tih a ni.

Pu P.P.THAWLA, (MDF) : Pu Speaker, kan zawhbelh leh duh chu hei Mizoram district kil lampang, Saiha district hi a kil ber kan ni mai awm e. Heng a kan Lecturer post ruak, Saiha College ah hian 7 (pasarih) a awm a. Saiha College hi 1978 atanga din tawh a ni a, College senior pawl tak ani a. Part time tih ang reng vel te kha dah alo thin a. a regular post 7 (pasarih) ruak kha tih khah a la nilova. Tin, heng an rawn dah te ho hi interview na lo awm anih pawhin appointment hmu tu chu Mizoram hmun laili lai a mite an ni duh viau a. Chung ho te chuan hna zawm nan chauh hian an duh a, an zawm fel tawh chuan hmun laili deuh a insawn dan kha an ngaihtuah leh a, a ruak leh thin a. Chutiang a post recruit te a lo awm thar a, lak alo nih leh hunah hian a district chhung mihring te hi tlem a quality alo hniam deuh anih pawhin rinawm taka awm chat mai tur an ni a. Chutiang te chu laksak kan Minister zahawm tak hian min tiam thei mai lawm ni ? tih hi kan zawhbelh e.

SPEAKER : Chhang turin Pu Lalsawta a ilo sawm ang.

Pu LALSAWTA, MINISTER, (INC): Pu Speaker, zawhbelhna chhanna chu Saiha ah chauh lo hian in post hi a ruak tam khawp a. A chhan bera hi chu pakhat na ah chuan UGC norms kan tih, hlawh pawh tha zawk, tin, retirement age te pawh lo tam hret tur te hi kan duhsak a, kan hmang mek bawk a. Amaherawh chu, hetiang han tih dawn hian Recruitment Rules (R.R) fel tak te a ngai a. UGC tunah lo thar leh ah hian khami mil ang zawng a Recruitment Rules (R.R.) siam a, kan Lecturer te, kan Principal te pawh an nihna tur dik taka han dah te kan tum avang hian kan lo peih hman lova, kan peih chuan kan recruitment hunah rules mil thlapin Mizoram Public Service Commission (MPSC) in min lak sak turin kan beisei dawn a. Tin, heng post ruak engmaw zat awmah hian contract Lecturer te, part-time lecturer te hmang te pawhin indaih lohna puhruk tur hian kan ti hram hram a, hlawh tlem zawk te an ni a. Mahse pawisa te kan harsat avangin chung ang tak ngial pawh chu kan duh angin kan ti thei lova. Mahse chhimlam emaw zuk hnual suatna ni chuang lovin Zoram pumah hian Lecturer post hi kan hnawh khah loh tam tak a awm ve hrim hrim a ni. Tin, sawlai a mite an thawk duh dawn a, hetah hian anni bik hi duh sak theih an ni dawn lo'm ni, tih chungchangah kha chuan, kan hna lak danah hian tunhma aiin kan fet chho tial tial a, an hmunhma tur a thawk duh ngei tur hi lak pawh kan tum chho zel a, lecturer chauh ni lovin, a hniam zawkah te pawh chungah chuan khami a pension duh tur ngei, transfer dil dil lo tur hi lak hi chu kan tum hrim hrim tawh a ni. Chu chu ka chhanna a ni e.

SPEAKER : A lawmawm e. Tunah starred question No. 3 ah kan kal ang a. A zawt turin Pu Hmingdailova Khiangte i lo sawm ang.

Pu HMINGDAILOVA KHIANGTE, (INC) : Pu Speaker, Land Revenue & Settlement Department Minister zahawm tak chhan atan ka zawhna Hortoki khaw daiah Oil leh Gas laichhuah beiseina leh ruahmanna a awm avangin, ramneitu parukten compensation an la a, compensation dawngtu zinga pakhat hming Lalthakima hming putu hi amah leh address hriat theih a ni em ? tih ka zawt e.

Pu J.H. ROTHUAMA, MINISTER, (INC) : Pu Speaker, ka lawm e, Hortoki daiah hian Oil and Gas laichhuah beisei a ni a, chumi avang chuan helaiah hian mi panga in compensation an la a, paruk ni lovin. Tin, compensation latute zingah hianin Lalthakimi hi a awm lova. Chuvang chuan a address hriat theih a ni lo.

Pu HMINGDAILOVA KHIANGTE, (INC) : Pu Speaker, February thla lama ONGC public hearing ah khan ka zuk kala, chutih laia ONGC public hearing a kan buaipui a chu Lalthakima bik hi a ni a, V.C te nen pawh a zan tlaiyah kan discussed hova, tunge ni ang tiin, tuman kan hre lova waviinah zawhna ka siam tak avangin Pu Speaker, department hian an paih leh anih ka ringa , heta chhanna a hming lang si lo latu si lo awm si, tuna taka awm leh ta lo hi khawngaih takin Pu Speaker department hian enquiry la se, tih ka rawt nghal a. Tin, an lak dan leh amount pawh hi ka hriat hi a dikin ka ringa, kan chhiarchhuak ang e. Paruk zing atangin R. Kapthanga nuai 1, Hortoki veng chhak, Rohnuna nuai 20, Hortoki vengchhak, Lalbuatsaiha Rs 40,000/- Hortoki vengchhak, Rochanmawia Rs 27,00,000/- Rental Car, Upper Republic, 6-na Lalthakima Rs 13,00,000/- a ni. Pu Speaker zawhbelh leh ka duhna chu tunah hian Drilling Ph-2 hi Hortoki atanga Meidum lamah buatsaih leh mek a ni a. Tunah hian D.C Revenue, Kolasib hian a notified leh tawh a, kan Sorkar leh kan Revenue Directorate hian an hriatpui reng em ? tih pawh hi ka zawt nghal e.

SPEAKER : Chhang turin Pu J.H. Rothuama i lo sawm ang.

Pu J.H. ROTHUAMA, MINISTER, (INC) : Pu Speaker, Ka lawm e kha Memberzahawm tak khanin compensation lak zat han sawi zingah khan Lalthakima kha a sawi tel lo niin ka hria a (Speaker : sawi tel e)Chu laiah chuan kan hriat danah hian Lalthakima hi an awm lo hrim hrim a Kolasib DC hian ni 24.10.2008 ah Revenue department ah hming panga an theh luh rual hian Lalthakima hi a hming compensation la tur zingah a theh lut ve a ni. Amaherawhchu Kolasib DC technical staff-ten an en khan Lalthakima ram an tih a hi compensation tur erawh khan a tel loh avang khanin a hming hi an paih leh a. Chuvang chuan Lalthakima hian a la lo niin kan hria a. Tin, Lalthakima Dy. Commissioner Kolasib in a a thehluh hi Lalthakima nilovin Lalkima a ni a. a ni hi chu Hortoki khua a awm a ni. Tin Lalthakima hian a lo la ve a nih chuan department in an rawn en ang e.

Pu HMINGDAILOVA KHIANGTE, (INC) : Pu Speaker, tuna kan Minister zahawm takin a hming telve ni a an hriat kha han sawi fel lawk ka duh a, Lalkima kha Ex. VCP, Hortoki a ni a. Hetia zawhna ka siam chhanna tur an buatsaih lai hi evidence ah chuan a sawi theih lova, ka lo hriat-ve zelah chuan Lalki a hi puh mai ang an ti a, tin a tirah pawh Lalkima hi puh chu an tum a, amaherawh chu a ni lo tih hi ka hre chiang a. Public Hearing ni a kan buaipui ber chu Lalthakima nuai 13 la kha ani a. Ka sawi ang khan a zarah VCP te nen kan sawi ho vek a, kan party VC te nilo mahse ka hriat chianpui a, tuna kan Minister zahawm takin a rawn remtih ang khan helai a in hnial hi a tul kherin ka ring lova, enquiry min lo lak sak sela tih erawh kha chu kan ngen nawn leh a, tin zawhna ka siam belh Drilling 2. Hortoki leh Meidum inkar a an buatsaih lai mek ah pawh hian kan Sawrkar leh kan Revenue Directorate te in rawlh se ka duh hle mai tih kan sawi tel bawk a ni. Ka lawm e.

SPEAKER : Chhan tur a awm em ? Minister khan a chhang zo tawh ah ngai ila, kan lo enfiah ang e a ti a maw ? Duh tawk mai ang aw. Tunah Starred question No.4-na ah tan kan kal ang a. zawt turin Pu Lalduhawma.

Pu LALDUHAWMA, (ZNP) : Pu Speaker, MinisterZahawm tak Information & Communication Technology changtu chhan atan zawhna.

- A) Information & Communication Technology department ah hian thawktu engzat nge awm ?
- B) Mizoram ah International Institute of Information Technology din tumna awm em ?
- C) Aizawl a Call Centre hi Sawrkar in eng chen nge a hriatpui, phurpui tlak ah a ngai em ? tih ani.

SPEAKER : A chhang turin Pu Zodintluanga, Minister for Information & Communication Technology department i lo ko ang.

Pu ZODINTLUANGA, MINISTER, (INC) : Kan member zahawm tak Pu Lalduhawma, Aizawl Werst-I bialtu zawhna chhanna chu (a) -na chhanna chu 38 tih ani a. (b) -na chhanna chu Mizoram ah International Institute of Information Technology din tumna a awmlo tih ani a. (c) -na chhanna chu Aizawl Call Centre hi Information & Communication Technology (ICT) department chuan a hriatpuilo tih ani e.

SPEAKER : Zawh belhna Pu Lalduhawma

Pu LALDUHAWMA, (ZNP) : Pu Speaker, Sorkar hmasa ah khan IIIT din tumna kha awm angin kan lo hria a. Thil tha tak pawh ni turah kan lo ngai a. Kha kha a kal zel leh zel loh kan hre duh a, amaherawh chu a awmlo niin a lang a. Kan zawh duh chu Aizawl Call Centre hi ram neitute kan ni a, kan ram ah an rawn operate a, zalen takin kan sawrkar te pawh inrawlh lo hian an duh duh hian an che tur a ni dawn em ni ? chanchinbu ahte pawh an chungchang an ziakin kan chhiar luai luai a. Mi tak tak rilru a ti thlep a. A that leh that lohte leh a functioning hrim hrim ah sum te pawhin Sawrkar hian a tanpui ve thin te ani em ? Anih chuan inrawlh ve theihna right te pawh a nei dawn lawm ni ? Hetia pawng sezawl chhuah ngawt lo deuh hian tun aia tha zawk a an kal theihna turin Sawrkar hian intih neitu na leh thuna a neih theih dan hi a awm em ? a rem em ? a lo puitlin a a that viau chuan kan ram tan ani si a, chuvang chuan hei aia close zawka zuk in rawlh ve theih dan kawng hi a awm ngang lo em ni tih kan zawh belh e.

SPEAKER : Chhang turin Pu Zodintluanga

Pu ZODINTLUANGA, MINISTER, (INC) : Pu Speaker, Kan member zahawm tak zawhna kha a hmasa zawk kha tlem kan sawifiah a ngai a. Sawrkar hmasa khan Internatonal Institute of Information Technology (IIIT) kan tih kha hma an han la ve a. amaherawh chu a zir Chiangtu tur team an han din a, khami an han din khanin India sawrkar laipui hmalakna te anih loh avangin chhonzawm tlakah a ngai lo tiin an titawp kha a ni a.

Tin, Call Centre hi Pu Speaker, Industries department hnuaia la awm ani tlat mai a. Chuvang chuanin khalai an kalphung kha keini lama han chhan mai kha a harsa a kan member zahawm tak min lo hrethiam sela. Tin, Call Centre hi Private Company ten an tih thin leh an tih a ni a Mizoramah hi chuan keimahni department anga kan hmalak ve na ang atan chuan connectivity tha Internet connection tha pek theih te hi ani a, vawiinni ah Sawrkar hun tha pek theih te hi a ni a, vawiin ni a Sawrkar chuan Optic Cyber Table kan ti a, hetiang ang te hi kan la thleng phalova, chutiang nei tur chuan kan State thenawm Assam te, Manipur-te, Nagaland leh hmun dang ah chuan Power Grid te hetiang hman hian thlun zawm vek a ni tawh a. Chutiang thlun theihna tur chuan Kan Chief Minister zahawm tak hmalakna in vawiin ni ah hian Power Grid company-te pawh kan dawr mek a, chung ang te chu alo thlan theih a, connectivity te a hran anih chuan Call Centre te pawh hi Private Company lian tak tak te pawh Sawrkar inrawlhlo hian an rawn in phum luh ve hi kan beisei ve mek a ni e. Ka lawm e.

SPEAKER : Tunah Starred Question No 5-na zawt turin Pu R.L. Pianmawia a ni a, i zawt duh kher em ?

Pu R.L. PIANMAWIA, (INC) : Pu Speaker, Mauchar leh Palsang kha in chhu tel lova, kha kha telh belh sak ula ka duh tawk mai ang e, min chhang tawh tho bawk a.

SPEAKER : Mauchar leh Palsang kha, chhut tel loh a lo awm em ni aw ? nge a zawt tel lo, zawh hnu ah an hre thar leh zawk em ni ? Engpawh nise, Minister khan a chhang thei em aw ? Mauchar leh Palsang chungchang chu.

Pu R. LALZIRLIANA, MINISTER, (INC) : Pu Speaker a zawhna helaia kan dawnah hian a tel loh avangin, eng pawh nisela, kan lo enzui dawn nia, a tulve tho si chuan.

SPEAKER : A tawk mai maw ? a lawmawm e. Tunah Starred Question No. 6-na zawt turin Pu P.P. Thawla i lo sawm ang.

Pu P.P.THAWLA, (MDF) : Pu Speaker, Higher Technical Education Department changtu Minister zahawm tak chhan atan Mizoram chhunga Government College Building sak tur, Administrative Approval pawh awm tawh te engtik atanga sak tan tur nge ? tih ka zawt e.

SPEAKER : A chhang turin Pu Lalsawta, Higher & Technical Minister i sawm ang.

Pu LALSAWTA, MINISTER, (INC) : Pu Speaker, member zahawm tak Pu P.P.Thawla zawhna chhanna chu - Mizoram chhunga Govt. College sakna tur Donner in pawisa min la release lova, Administrative approval pawh a la awm lova, churang chuan kan la sa nghal mai thei lo a ni a, tih a ni.

Pu P.P. THAWLA, (MDF) : Pu Speaker, term kalta ah khan, Saiha a Govt. College Building kha Donner Ministry khan a approved diam tawhin ka hria a, amaerawhchu tunthleng in sak a la awm lova. Approved tih kha retained list a alo tel ringawt kha nge ni a, a piah lamah khan State Minister te priority pek leh pek lohvah a inngat zawk nge ka hre lova. Ka lo hriat ve dan chuan Donner Ministry in a approved diam tawh tunthlenga la sak loh mai niin ka hria a, chu chu thil chiang zawk a hriat theih em aw ? tih ka zawt belh e.

SPEAKER : Chhang turin Pu Lalsawta Minister i lo sawm ang.

Pu LALSAWTA, MINISTER,(INC) : Pu Speaker, Detailed Project Report hi la peih lo an awm a, a Principle chuan Donner Ministry hian College mal mal te pawh a hming hmerin a rawn ziak chhuak vek tawh a, mahse Detailed Project Report hi Mizoram bik ah hianin, lirnghing natna tur ram anih

avang hian a rawn ti uluk em em a, chuvangin tunah hian kan la peih hlei thei lova, kan hmalak mekna ah kan la inpeih loh avangin uluk zawkin kan la en leh mek a ni a. Saiha pawh chu a tel in ka ring a. Saiha lo te pawh avaiin hmun dang kan dinhmu mek chu Detailed Project Report te tuna kan dinhmun mek chu Detailed Project Report te kan la peih fel tawk lo a ni.

SPEAKER : Starred Question No.7 na kan kal ang a, a zawt turin Pu Hmingdailova Kiangte i lo sawm ang.

Pu HMINGDAILOVA KHIANGTE, (INC) : Pu Speaker, ka lawm e. Serkhan to Bagha road leh Hortoki Meidum Road kawng thar sial tur avanga compensation beisei a mimal ram patta awm leh awm loh sorkarin a hria em ? tih leh hrelo ni se Revenue Department ni lo hi LSC pe thei thuneitu dang an awm em?

SPEAKER : A chhang tur Pu J.H.Rothuama Minister i lo sawm ang.

Pu J.H.ROTHUAMA, MINISTER, (INC) : Pu Speaker, ka lawm e. Kan member zahawm tak kha a fakawm khawpin ka hria a. Compensation hi Mizoram ah kan kalpui dan a dik loh avang leh kan ramah hianin hleihluak taka compensation hi kan pek thin avangin a fimkhur khawp mai a, ama bialte a ni bawk a. Chuvangchuanin, thurawn pawh tha tak min rawn pe tawh a. Hei tuna zawhna a han siam leh pawh hi a lawmawm khawpin ka hria a.

Tin, a zawhna chhanna chu Serkhan - Bagha road leh Hortoki Meidum Road sial thar tur avanga compensation beisei a mimal ram petu awm leh awm loh sorkarin a hria em ? tih hi helai kawng laih tur avanga compensation beiseia rawn patta sorkarin a awm a hre lo.

Tin, (b) na chhanna chu Revenue Department ni lo hi LSC pe thei thuneitu dang an awm lo tih a ni.

SPEAKER : Zawhbelhna, Pu Hmingdailova Kiangte.

Pu HMINGDAILOVA KHIANGTE, (INC) : Pu Speaker, Revenue Department ni lo hi tih aimah khan Revenue Directorate lo hi LSC pe thei thunei dang an awm em ? tih kha ka zawhna a ni a, a fuh lo lai hlek a awm kha min lo ngai thiam ula.

Kan sawi belh duh chu, 2008 kum tawp lam atang khan Serkhan – Bagha road hi two lane a siam tum nia hriat a nih avangin a kawng kam velah Revenue ho kan ti lo thei lova, khawilam ami nge tih erawhchu kan hotuten min la chhang sela. Kawng kam hi compensation la awm tur beiseiin namen lovin an patta a. Chutiang bawkin Hortoki leh Meidum inkar kawng thar kal tur atan hian namen lovin patta turin hna an thawk a. Sawisel leh engemaw pawh a tam hle a. Kan ram an patta ve duh lo tih te kan tawng a. Amaherawhchu, inrawlh hleih theih a ni lem lova, kan campaign laite kha a ni a. A hnuah erawh chuan hetiang hi a thlen tak miau avangin Tuirial Hydrel Project No. 2 hi a thleng palh ang e tiin kan Minister zahawm tak in nichina a sawi ang khan kan hanrawn a, an lo ti tawp ta nghe nghe a, a lawm awm hle in ka hria a. Amaherawhchu, pawl khawih engemaw zat a awm tawh a. Chuvang chuan ka zawhna kha, ka rawn zawt ta a ni. Kan chhiar nawn leh ang e. Serkhan – Bagha road leh Hortoki – Meidum road sial thar tur avanga compensation beisei a mimal ram patta awm leh awm loh sorkarin a hria em ? tih kha a chhanna chu kan hre tawh na a hre lo nise, Revenue Directorate ni lo hi LSC pe thei thuneitu dang an awm em ? tih kha a ni.

Ka rilru a lo awm chu kan sawibelh ang a, kan Revenue Department te hian ram leh hnam hmangaihna nen hna an thawk meuh lo deuh em ni ? Ram leh hnam hmangaih a thawk tura in pe te an ni bawka, hei ai hian an thawh dan hi tidanglam deuh se tih te pawh ka sawitel duh a ni. Pu Speaker, ka lawm e.

SPEAKER : Chhang tur an awm em ?

Pu R. LALZIRLIANA, MINISTER, (INC) : Pu Speaker, helai ah hian action lak a awm nual tawh in ka hria, Officer pakhat phei chu an suspend tawh a ni.

SPEAKER : Tunah starred question No.8 na ah kan kal ang a, a zawt turin Pu Lalduhoma i lo sawm ang.

Pu LALDUHAWMA, (ZNP) : Pu Speaker, Horticulture Deptt. changtu Minister zahawm tak chhan a tan –

- (a) Green House chi hrang hrang engzatnge awm ?
- (b) Kum 2009-2010 chhung hian mi engzatnge thlan an nih tawh a, engzatnge thlan belh tur la awm thei ang ?
- (c) Contractor hmang lova Beneficiary te hnena a material pek mai theih a ni em ?

SPEAKER : A chhang turin Pu H.Liansailova, Minister for Horticulture i lo sawm ang.

Pu H.LIANSILOVA, MINISTER, (INC) : Pu Speaker, kan member zahawmtak Pu Lalduhawma zawhna (a) na chhanna chu Green House hi chi thumah then a ni a –

- (1) Low Cost Green House.
- (2) Medium Cost Green House
- (3) Hi-Tech Green House.

(b)na chhanna chu : 1) Kum 2009-2010 chhung hian mi 250 law cost green hmu atan thlen an ni tawh a, mi 100 vel thlan leh theih a ni ang

2) Tin, Medium cost green nise ah leh hi-tech green house ah erawh sum dah anih loh avangin hmalakna tur kan nei thei rih lo.

(c) na Green House material hi beneficiary te hnena pek mai theih chu a awm a, heng law cost leh medium cost ah te chuan a material a pek mai thin a ni a, amaerawhchu, Hi-tech green house erawh technology sang leh expert te tih ngai a nih avangin approved company te hnenah pek thin a ni a, an tiha hmunah an sak sak thin a ni. Chu chu ka chhan theih dan a ni e.

Pu LALDUHAWMA, (ZNP) : Pu Speaker, hman deuh khanin Green house atan sum hmanral tawh zat ka zawt a, tia han suangtuah mai ai hian a lokal ral nasa tawh a, sum hi a lut nasa em em mai a ni. Chutih rual chuan a taka tangkaipuina tur lam han en khan, an in balance lem lo emaw ni aw a tih theih a. Green House pakhat ah khan, kan seng tam viau te a nih chuan leh thudang a ni a. Chuvangin, a approved firm te hnena han pek pawh kha, engzah nge an bill tih kha kan hre ve thei tawh si lova, heng hi kan Mizo mil te hian a kalpui ve theih em ?Entirnan: Hi-tech ah te pawh dripping system te an han vuah ta a. Dripping system hi a vuah ka hriat ve zawng zawng chuan an hman tangkai ka hre lo a ni. An hmang duh lo, an zam kual hnawk vel mai mai ani. An han hmang dawn thin a, rirawl a neih theih a ni lo e an ti a. Khang te khan a man a ti sang mai mai si a. Chungte pawh chu, a tak a hmangtu te atanga thurawnte lak a, han modify dan te a awm thei em ? tih a ni a.

Tin, a approved farm kher lo te hi pek tel te an awm em ni ? Green House ka sa ve dawn a, ka hmu ve a, hei in green house kan rawn en tawn a ni, tia kan in a lokal an awm nual a ni. Khangte kha chu approved farm an nih hmel loh ang reng, mi saksa entawn chawp a han sak kha chu. Chutiang a experience nei miah lo te chu hna pek an lo awm reng em ni tih kan zawh belh duh a. Tin, contractor hmang lo a tih theih chi ang hi a beneficiary te duhthlanna a zir a, mahni a lo ti duh zawk an awm chuan, an duhthlanna ang a kalpui theih a ni a ngem ? tih kan zawh belh bawk a, chu chu ka zawh belhna hnukung ber a ni. A chhan chu contractor a nih chuan a sen kha a tam em em zel a.

A material khan pe ta mai zawk sela a structure leh a shade net te pek an nih chuan mahniin a tih ve theih vek a, a har reng reng lova, chuan Sum kha sorkarin a seng tlem sawt dawn bawk a, beneficiary pawh a cover tam thei dawn bawk a. A dawngtu tur duhthlanna ngaihpawimawh theih dan a awm lawm ni ? tih te kan zawhbelh a ni.

SPEAKER

: A chhang turin Pu H.Liansailova.

Pu H. LIANSILOVA, MINISTER, (INC)

: Pu Speaker Member

zahawm tak zawhbelhna kha engemaw a figure te nena han inpe thlap tur chuanin information ka nei lova. Rinthu mai nilova figure nen thlapa inchhan theih a tha khawp mai a. Amaherawhchu, thil kal tawh lamte alo nih deuh bawk nen, a information ka neih chin hian kan chhang mai ang a.

Green House hi Mizoramah kan introduce na ala rei vak lova. Tin, Technology Mission hnuai atanga a scheme hi scheme kan neih a ni a. Chuvangin, a scheme min pe tu Central Sorkar in a rawn duh dan ang kan lo kalpui a ni a. Tuna kan ngaihtlak tak ang khan Hi-tech Green House hi a senso a sang fu mai a. Nuai ruk chunglam a ni deuh tawp mai a. Amaherawhchu, tam tak ka tlawh lo na a, pahnih pathum ka tlawh chhunah erawh chuan a hlawhtlinga sawi tur niin ka hria a. Khawzawl ah kawngsir maiah khian in kal remchan chuan han tlawh ve pawh thain ka ring a. Khiteh khian tlangval lehkha thiam tih sak a ni a. Tomoto a ching a. Kum khatah kumin February thla a ka tlawh khan kum kalta khan Rs.75,000/- vel ka lei a. Ka thiante Champhai lama mi chuan Rs.10,0000/- te an lei a, tan ka lak deuh a ngai a ni a ti a. Amah pawh a phur viau va amaerawhchu kan sawi tak ang khan Hi-tech anih ang bawk khan High Cost pawh ani ve bawk a, khatiang zela kalpui kha chu experiemen tal basis anih loh chuan tih zui zel chi chu anilo viau in hriatna a awm a. Amaherawhchu Central Sorkar lamin tihlar leh mi zirtir nan hman an duh vangin hei hi min pe a, chuvang chuan a senso pawh a tam a, tin, a technical thil pawh kha a sang deuh a mi naran tan han tlin chi pawh ani lova, tunah hi chuan a low cost lamin kal ila tiin a Department lama hotute pawhin kalpui dan tur an nei a. Tin, a insak chung chang ah khan hi-tech, a thir structure kan welding pawp pawp kha anilo deuh a. A boruak mamawh tur ang te tin, thlaiin a mamawh tawk tur boruak hnawng a luh theih dan emaw lum a luh theih dan tur emaw kha a tel deuh avangin a technical ah khanin henglaia a welding thiam naran kha a tih theih mai loh avangin approved company ten min tihsak deuh ber alo ni a. Tin, zawhna pathumna ah khanin tunah hi chuanin law cost in kal ila, tin a siam thei leh a tui te khan a structure hi material kan neih ang ang hian thingril ban te pawh hmangin mau chang tha te pawh a rela hmangin a siam theih a, tichuanin a UV felin leh a material dang hi Department lam atangin theih ang angin ngaihtuah ilangin a tha zawk ang a. Tin, mi pawh kan cover tam zawk ang a tih a nit a a. Chutiang chuan Green House pawh hi kalpui turin hma kan la dawn ani. Chu chu ka chhan theih tawk ni mai se.

SPEAKER : Starred question No.9 na ah kan kal ang a. Tunah a zawt turin Pu K.Liantlinga i lo sawm ang.

Pu K. LIANTLINGA, (ZNP) : Pu Speaker, ka lawm e. Land Revenue & Settlement Department a Minister zahawm tak ka zawh duh chu hei hi a ni. Kum 2005-2009 inkarah hian kumtinin Land Revenue Department hian Land Survey thawh nan hian Central atangin CSS engzat nge a hmuh thin ? tih ka zawt e.

SPEAKER : A chhang turin Pu J.H.Rothuama Minister i lo sawm ang.

Pu J.H.ROTHUAMA, MINISTER, (INC) : Pu Speaker, member zahawm tak zawhna chhanna chu hei hi ani. 2005-2009 inkarah hian kumtinin Central atangin CSS kan hmu lova. Amaherawhchu, kan hmuh dan chu hei hi a ni. Kum 2005-2006- ah Rs.376 lakhs, kum 2006-2007 – ah 304 lakhs, kum 2007 – 2008, kum 2008-2009 hemi kum hnih chung hian kan hmu lo ani. Chu chu kan hmuh dan ani e. A vaiin nuai 680 kan hmu tawh tihna a nih chu.

Pu K. LIANTLINGA, (ZNP) : Pu Speaker, ka lawm e. Helai zawhnaah hianin 2005-2009 ka zawt a. Amaherawhchu sum hmuhna hi Central atang hianin a hma lampang kha eng chen nge an hmuh tih kha min hrilh thei em? tih ka zawh belh duh a. Tin, Land survey hi engchenin nge tunah hian hma lak anih tawh tih ka zawhbelh baw k a.

Tin, a 3-naah chuanin, hei compensation kan han tih chungchang thu ah te, ram inpek thua leh thil dang hi a tam em em mai a. Mizorama project lian tham deuh, kan han tih reng rengah hi chuanin a crore tel hi compensation awmzel ani a. Helai chungchang ah hian, kan Land Survey in a an hnathawh hi a mumal lo hle niin a hriat a, ram dilthuah te, ram awm lo han in siam thu an te hian, tun aia chak zawk hian Land Survey hi tih tumna a awm em? Tin, Directorate pakhat a awm hian harsatna a tawk thei a, chungah chuan Land Survey/Record lam leh Land Settlement lam te hi then hnan tumna a awm em? tih kha kan zawhbelh ani e.

Pu P.P. THAWLA, (MDF) : Pu Speaker, Land Survey atana Central in pawisa Rs 680,000,00/-min pek atang hianin Mizoram Government Land Revenue & Settlement in a a thawh kep lem loh District Council 3 (pathum) te hnenah hian he sum hi pek ve ani em ? Pek nita sela, engzat theuh a pek nge a nih ? tih kan zawhbelh e.

Pu J.H. ROTHUAMA, MINISTER, (INC) : Pu Speaker, kan member zahawm takin a rawn zawhbelh na ah khan 2005 leh 2005 hma lam ah hian CSS scheme hi kan hmuh ka hre lova, tuna an rawn zawhna chinah hian ti hian kan rawn la mai ani a. Tin, heng atang hian hna kan han thawh tawh ang chu 2005 atanga 2006 chhung hian sanction kan hman dan chu hetiang ani. Rs 45,000,00/- hi strengthening of Revenue administration and updating of Land Records formal ah Autonomous District atan hman a ni a. Autonomous district dangah kan hman ka hre lova. Tin 195 hi aerial photograph survey nan a hman a ni a. Hei hian square km 2573 survey a ni a. Hei hi Mamit district chhung a ni deuh ber a. Tin, aerial survey hi a harsatna chu ramri kan ngah a, heng ram chhungte hian kan thlawh luh that ngam loh avangin duh angin survey hi a kimchang thei lo niin kan hria a. Hei hi a zawng chhang tlak em tih pawh ram ri ah hi chuan kan hre lova.

Tin nuai 135 hi summon survey leh recalled operation chhunzawm nan a hman a ni a. Chutah chuan 9544 leh bigha 114014.59 hi survey tawh a ni. Tin, survey instrument total station pali lei a ni a, GPS pakhat lei a ni bawk a ni. Tin, Minor instrument, measuring tape tih ang reng te, compass te lei a ni bawk a ni.

Tin, 2006-2007 chhung hian Strengthening of Revenue administration and updating of Land Records atan cheng nuai 304 hmuh a ni a. Physical achievement chu a hnuai tarlan ang hi a ni :-

173 nuai hi implementation of on-going project atan a hman a ni a, chutah chuan Sq.Km 3395 survey a ni. Map pawh 3395 hmuh tawh a ni. Tin, nuai 130 hi further processing of area cadastral survey atan hman a ni, chuan square kilometer 2395 survey a ni a. Map ah pawh 2595 ah hmuh a ni. Tin kan member zahawm takin a rawn zawh belhna ah khanin, Revenue department hianin kan survey hi a chianguang lo hle tih kan hria a, churang chuan tuna kan record te leh computer a kan dahluh te pawh hi a rintlak tawh lo lai a awm thei em ? tih enfiah chhoh mek zel a ni a. Tin, a department pawh hi tunah hianin chak zawka kan kal theih na turin ruahhmanna chu kan han siam chho meka, a ruhrel, a ruangam pawh hi siamtha a, phai lam kalphung ang a kal dan hi rawn kan tum a, tunah kan buaipui meka, kan peih vele meetingah te la sawi a, a tul anga hma lak chhunzawm zel tur ani ang. Tin, kan duh dan ang chuanin hemi kan department hi nichina an rawn sawi ang khan Directorate pahnih ah chuan awm thei se kan duh khawp mai a, amaherawh chu sum lam indaihlohna avang hianin tunah harsatna kan tawh chho mek zel a, engtikahnge kan tih theih ang tih chu kan sawi thei rih lova.

S P E A K E R : Kan zawhna hun a tawp a, rinaiin kan zawt chaka, zawhna pakua lai kan la hmana, a lawmawm khawp mai. Tunah chuan kan tih tur pahnih naah kal ila, thupuan ka han ti a, waviinah hianin member pali an remchan loh thu Speaker hnena lehkhaw rawn pe an awm a. Pu Lal Thanhawla, Pu P.C.Zoram Sangliana, Pu B.Lalthlengliana, Pu P.C.Lalthanlianate an ni a. Pu Lal Thanhawla kan House Leader hi Kolasib lamah tun hma atanga programme lo siam lawk tawhah kal a tul a, chutiang bawkin Pu P.C.Zoram Sangliana hi a ni a.

Tin, Pu B.Lalthlengliana hi taksa chak lohna avangin a lokal thei lo a, a pawl hle a, a dam leh thuai kan duh a. Tin, Pu P.C.Lalthanliana hi a bial Pangzawl ah tui tla an awm a, chu chu an la zawng ngian ngian a, va kal ve kha a duh a, a va kal a ni. Tun thleng hian ruang hmuh thu kan la dawng lo a ni.

Kan tih tur pathumna chu Presentation of Report tih a ni a, Business Advisory Committee ni 24.10.2009 a meeting a neih ah tuna kan Session detail programme uluk taka a duan hi Houseah ka rawn present a hei Business Advisory Committee duana hi a ni a, hei kan han hmang mawlh mawlh chu a ni a. Hei hi Houseah ka rawn present a, a copy kan nei hlawm em? Han sem phawt mai teh u, min pawmsak mai thei em?

Pu LALDUHAWMA, (ZNP) : Hei hi tunah kan pawm dawn a ni a. Kan pawm hmam nimanah te kan hmanga, vawinah pawh darkar eng emaw zat ani tawh a. Nimina Panel of chairmen i puang ang deuh khan, (Budget presentation a ni a, a rem lo nge ka hre lo a) a nikhat nia tih awm a ni viau lo maw?

SPEAKER : Ka hre chiang chiah lova, amaherawhchu Budget presentation leh Obituary hi kan la urhsun em mai a, helai House a kan lo thutkhawm na chhan pui ber hi Budget hi a nih na lai hi a awm a. Chulaiah chua a Sanctity lam nge ka hre lova, obituary leh Budget presentation hi kan la urhsun khawp mai a, a kalkawng chu ka lo hre bik miah lova. Kan ti ngailo chu niawm tak chu a nia. Kan la urhsun a nia budget present hi, kan member te khan chhiar lovin in sawi mai mai ang e, uluk takin chhiar rawh u, kan sum bawm a nia. Kan pawm mai thei a, a lawmawm e. Khatilai thil kalphung chu member zahawm tak rawn sawi kha office lam atang pawhin kan lo en chiang ang a, kan la session leh zel na tur atan khan eng ang nge ni tih kha, kan tih theih chin awm te.

Tunah chuan rorel tak tak kan tan dawn a ni. Hei kan dan Bung 27 section 1 na angin zirtawp ni apiang hi private member business tih ni a ni a, resolution 15 kan hmu a 12.10.09. Khan balloting kan nei a, ni khat ah member 1 in resolution 1 aia tam a remloh avangin hetiang hi a lo chhuak ta a ni. Bulletin ah pawh kan rawn tih chhuah tawh kha vawin a resolution kan neih hi member 3 te resolution a ni a, wording a inang chiah lo nain a tum a chu thumun vek niin ka hria a, Ballot a in dawt angin kan la ang a. Resolution no 1 na hi Pu Lalthansanga member zahawm tak Resolution ani a. Chu chu “Geology & Mining Wing hi Directorate hran in awm ve tawh se” tih ani a. Chu chu a move turin Pu Lalthansanga ka sawm e.

Pu LALTHANSANGA, (MPC) : Pu Speaker, ka private resolution move tura min sawm avangin ka lawm a. Private resolution hi chan a har hle mai a, tun tum hi vanneih thlak tak mai in keima resolution a lo chhuak a. He ka private resolution hi kan ram tan a pawimawh awm hle in ka hria a. Kan ram ina revenue a hmuh tam theihna ber te zinga mi ni thei hial turah a hma lam hun han thlir hian a awm a. He Department Geology & Mining Wing hi 1980 ah lo awm tan in 1978 khanin directorate hranga awm hi Mizoram Sorkar leh Planning Commission Govt. of India pawh in sawi hovin tha a lo ti tawh a. Tin, chumi hnuah chuanin Dy. Advosor Mineral Planning Commission, M.I.Division, Govt. of India Pu S.B.S Chauhan pawn recommend alo siam tawh a. Directorate hrana awm hi a tul hle aniang tih hi a rin theih a. 1997 May, Addl. Secy. Ministry of Mining, Govt. of India hova task force for development of North East States meetingah pawh hei hi sawi tawh ani bawk a. Chumi an resolution ah chuan resolution para 043 ah chuan North East State zawng zawngah hian Directorate Puitling, Geology & Mining Wing hi awm rawh se tih recommend a siam tawh bawk ani. Chutiang chuan kum 2003-ah Advisory Board Planning Commission, Govt. of India in Aizawl a rawn tlawh tum khanin kan Industry Minister kan Chief Minister ni bawk kal chhuak ta hnenah pawh khan an lo sawidun tawh a. Chumi chuanin Directorate puitling awm tur hianin an lo sawi tawh a, Sawrkar pawhin press release siamin ni 25.3.2003 khan alo ti tawh a. Chutiang bawk chuanin Directorate of industries hianin ni 25.2.2003 khan proposal pawh hi alo siam tawh a ni. He department hi sum harsatna te kan han tih rual hian a staff strengthening pawh hi a tha thawhkhathvau a. Tunah hianin staff ringawt pawh hi 74 vel bawr an awm a, chumiah chuan post vacant pawh hi 4 vel emaw chauh awmin a hriat a. Financial involvement pawh hi a tam vak in a hriat loh a. Kan Minister, I.T. department tepawh kha an han sawi a he department ah pawh hian staff hi 38 vel chauh an nei a.

Staff strengthen atanga han teh ringawt pawh khan he department hi chu Sawrkar in a lo hmalakna tawh leh Sawrkar in a Directorate hran a awm tura a lo tih tawh ah hian vawiin ni ah chuan thil tih har ah a lang lova, tin a tulna em em ah phei chuan, tunah hian Directorate of Industries hi Khatla ah hian a awm a, Khatla atanga Geology and Mining Wing office hi Luangmual ah a awm a, Km 8 vel lai a ni a, hei vang hian file movement vel ah hian harsatna tak tak a awm a, North East ah hian Tripura leh Manipur tih loh ah phei chuan a hrang in an awm vek tawh a, keini pawh hian neih ve hi a hun tawh hle in a hriat a. Tin, Geology and Mining wing leh Industries subject hi a hrang hlak a ni a, chuvangin hnathawhna ah te pawh harsatna atam phah in delay te pawh awm thei a ni a. Geology anf Mining hi Directorate puitling a hlan chhoh a nih chuan hnathawh tur hi atam chho hle a, tunah chuan hemi puitling a dah tur hian a neih tawh sa Annual budget, Head of Account hrang a nei tawh a, Finance & Account Officer, tin office Suptt. hran a nei a, Technical leh Non-Technical staff-te nei in facilities changtlung tak a nei tawh a, self sustained workshop te, multi storage building leh staff quarter-te, tunah hian Jt. Director hovin Financial power of schedule-II (Two) in tunah hian a ho mek a ni. Tunah hian a hranga awm thei mai hian a awm tawh a ni. Vawiin niah te pawh hian ka memberpui duh tak te hian ka resolution hi min support turin kan sawm che u ani. Vawiin nia an office awm dan en hian an phu ve tawh min tihpui hlein ka ring a. Tichuan, a hnathawh leh a function te pawh hi Central nen agency hrang hrangah hian an lo in tie-

up nasa hle mai a. Geology Survey of India te, Oil and Natural Gas Corporation te, India Bureau of Mine te, Atomic mineral te, Central Mine Research Institute te, Central Mine Research Institute te, Central Mine plan leh design and Institute te, National Institute of Oak and Mechanic te Central Ground Water Board te, Directorate General of Mine and Safety te, Directorate of Generation of Hydro Carbon etc. te nen inthlunzawm in an correspondence te pawh hi scientific leh technical thil a nih avangin Directorate of Industries tan hian thil hriatchian har a tam em em a.

Tin, heng bakah hian vawiin niah kan ramah company hrang hrang te an rawn luh belh chho zel dawn niin a lang a. Chuvang chuanin, hetiang avang ringawt te pawh hianin harsatna an neihte sutkian nan hianin Directorate hrana an awm hi a tul tawh hle a ni tih te. Tin, an hmalakna hrang hrangah te pawh hian kan ram tan hianin an pawimawh hle mai a, hei Detailed Ground Water Investment and Management Mizoram pumah tunah hian an kalpui mek a. Tin, detailed mineral investigation and development and management Mizoram chungah te, Geo-Technical Investigation for slope and stability problem of various Government construction hydel project etc. NEC tanpuinain Modern Geo-technical Laboratory an nei a. Hei vang hian a ngaih pawimawh awm hle mai a. Hei, kan insaknate a dik tawh loh avangin hmanni lawk pawh khan kan minister zahawm tak Education changtu bial ah te pawh khan in thawk leh khatah lei kha a min thut mai a, khatiang khan chhiatna rapthlak tak te kan han thleng a ni a. Chutah chuan kan lei hnuai awm dan te hetiang ang te leh kan in sakna tur te hetiang te pawh hi chiang taka kan hriat a ngai hle a. Chutiang an department hmalakna tur deuh hlir kan ramah hian a ni ta emaw tih mai tur khawp in tunah hian an ni chungah hian thil tam tak a awm chho tan a.

Tin, Mizoram bikah hian in Minor Mineral Scheme hi an nei a. A bik in stone quarry leh sand ah te, hetiang ah te pawh hianin Concession Rule 2000 hmangin sawrkarah kumtin sum chhiah hi an lo pe lut tawh thin a. Chumi chu 2008-2009 chhung hianin nuai 109.8 revenue an thehltut a ni. Tiang chuan Geology and Mining hian Mizoram chungah Oil & Natural Gas zawn chhuah hna hi a thawk mek a. Kum 2003 khanin ONGC leh Mizoram Sawrkar chuan Deed of Agreement for exploration of Natural Gas a lo signed tawh a ni. Tichuan Geology and Mining wing hian in Disaster management and Notification leh Aizawl Development Authority ah te pawh hian hnuhma an lo nei nual tawh a. Hei hi a pawimawh awm lai leh ni china kan han sawi lai te pawh kha a ni a. In sakna hmun turte, a rem tawh em ? a hmun a nghet em ? A tha em ? tih lai a kha a ni a.

Tichuan July 2007 khan Mizoram Sorkar leh National leh International Agency paruk ten International Agreement for Oil and Natural Gas Exploration pahnih an signed leh a, hei hian ram 12172 Km a zau a huam a, oil & gas zawnchhuahna atan a nia, Mizoram chanve vel za a 58.9 ka lo sawi soal zauh anih chuan min ngaidam ula, chutiang vel chu tunah hian a cover a. Mizoram area hi 21000 Sq.km anga dah in chutiang chuan tunah hian kan ramah pawh hian hna an rawn thawk dawn tan a. Kan ram zat ve aia tamah vawiinni-ah hna thawktur te an nih avang hian anni Department hi tih changtlung chhoh a, Directorate hrana han dah hi a pawimawh hle dawn niin a lang a, tin, anni hi 1980 atanga lo awm tawh kum 30 nihna mai turah te pawh hian present atan te

pawh hian han pek ve a, han tih ve te pawh hi Pu Speaker, an phu hle tawh in a hriat a, chuvangin, vawiin ni a helaia member pui duhtak te lo kal pawhin min lo support ve turin ka ngen che u a. Tin, an thil neih hi hei a tlangpuiin building hi pakhat chhawng 3 an nei ani. Pakhat officer leh staff quarter hi 10 an nei tawh a, chubak ah chuan self contained workshop an nei a, a bak kha eng eng emaw tam tak hi a awm a ni.

Tin, hnathawktute hi group A-14 group B-12, Group C-28 leh Group D-9 hnaruak 7 ania, chutiang chu an dinhmun ani.

Tin, nimin lawk a kan suntak DR.SRY Reddy kha mite te khua ah khuan (Hyderabad) khu hemi Geological survey of India hmunpui hi alo ni reng mai a. Chumi ah chuan India ram hi hian hna hi an lo thawk nasa em em mai a, chumi ah chuan Regional Training Institute R.T.I. te pawh hi India ramah hmun 5 ah a awm a. Tin, chubakah chuan field training centre an ti a, hemi hi India ramah hian pasarih (7) a awma. Chung zingah chuan Aizawl, Mizoram pawh hi a tel a ni.

Chutiang tak mai chuan India pawh hian ngaipawimawh in National Institution peng pakhat hi Geology Mining Wing hnuaiia hnathawk an ni a. A hmingin Directorate of Industries hnuaiiah awm nimahsela, an ni subject anih avang hian Geology and Mining Wing te nen hian an thawk ho mek a ni.

Hemi pa sarikh (7) han awmna te pawh hi Hyderabad hnuaiiah hian 1) Chitradurga 2) Zamar 3) Saketi 4) Bhimtal 5) Raipur 6) Ranchi 7) Aizawl ah te a lo awm a ni a. Chutiang atanga han chhut chuanin, Geology Mining Wing hi Director puitling a han dah a, International level atangin hei tunah pawh hianin Deed of Agreement signed puite an lo ni tawh a. Chuvang chuan Pu Speaker, vawiin nia ka private resolution te pawh hi hei, an hmunpui Hyderabad te alo ni a, kan Chief Minister ropui em em mai, hriat reng nan min han pass pui ve mai tur hian kan duh che u a, kan House Leader zahawm tak te pawhin a ui zia leh mimal tak pawhin ka ngaipawimawh a. Tin, amah hi Kristian tha tak te alo ni leh zel nen, a missionary hna te arawn tih len naah ngaiin, chutiang chuan ka member pui te ka rawn sawm che u ani tih kha, ka rawn moved a ni e, ka lawm e.

SPEAKER : Resolution neitu in a rawn moved ta a, kan sawiho dawn mai anga. Amaherawhchu hemi chungchang bikah hianin thil a awlsam zawk na beisei in hemi kan resolution thupui chungchangah hianin sorkar dinhmun, hmalak tawh ni em ? engeni sorkarin rilru a lo neih te, chung chu kan sawihona ah te pawh tangkaipui beiseiin Industry Minister Pu S.Hiato ilo sawm teh ang.

Pu S. HIATO, MINISTER, INC : Pu Speaker, ka lawm e. A move tu kha a move thiam khawp mai a, tin, Department pawh kha a hrechiang em emin ka hria

a, lawmthu kan hrilh hmasa duh a ni. A move tu in a sawi angin Geology hi Department te anga lang si, mahse a thawh hlawk thei ber tur zinga mi Department ani a. Chuvang chuan, a Department pawh hian theih tawpin tan a la chho mek a ni. Mizoram ah hian industry hran hran te han din thin mahilangin Pathian min pek natural resources lei hnuai inphum hi kan lakchhuah thiam tam poh leh hma kan sawn dawn a, chumi atan chuan survey chi hrang hrang pawh tih tawh a ni a, naktuk tuk lehlama discussion a awm dawn avangin detailedin ka sawi lovang a, khawvel ram hran hran pawhin Russia te, France te, England te, India tea Oil company lian lian te pawh hian global tender kohin Mizoram hmun hran hranah hian hma an la chho mek a ni. Nichina move-tu sawi ang khan 58.9 average a Mizoram area ah survey tawh a, a thente chu survey report lo theh lut tawhte pawh an awm a, chhim lamah Lawngtlai thleng Saiha thleng an kal a, Hnahtial vel, Serchhip, Thenzawl tunah hian khawih mek a awm a, Hortoki vel khawih mek pawh an awm a, chu chuan hma an la chho mek a ni. Chu chu keini Geology & Mining chu a tanpuitu mai kan la ni a, hnathawh tur tam tak hi kan nei a ni. 1987 atang khan Geology and Mining hi a hranin Directorate ah awm se tih hi Planning Commission te, hetah lokal te pawn an rawn nawr tawh thin a, 1997 ah te pawh khan Planning Commission atangin mi pawh an rawn tir a, din thei turin hma la tur te pawhin an rawn nawr a ni. Task Force te hi North East ah te pawh khuan an thu khawm thin a, ni chin a sawi ang khan, tih ngei ni se an ti a. Mahse State pachhia kan nih avangin, a din a harsa si a, Planning Commission atang hian Central Sorkar atang hian tanpuina cent percent pek nise, chu chu kum 5 chhung hian Central Sorkar in enkawl rawh se, ti khawp pawhin an lo pass tawh bawk a ni. Chuan a kal chho a, mahse harsatna hran hran awm in a lang a. 1987 a kan Sawrkar lai pawhin an ngaipawimawh a, chuan 1997 ah khan an rawn thar thawh leh a kum 10 hnu ah, chuti chung pawh chuan hma kan la sawn thei lo a. Kan Sawrkar hmasa khan memorandum te an siam a, Cabinet ah put luh turin an lo in prepare na a, put luh nita lovin a zu zi ta a, ti hian Sawrkar thar apiang a, Sawrkar thar ah Resolution tha tak a rawn lut ta hi a lawm awm kan ti a. Amaherawh chu lawmawm kan tih rualin vawiin ah hian he resolution hi official a pass chi ani dawn em maw ni le ? keini ho pawh hi hmanni deuh lawk ah Cabinet memorandum kan prepare vek tawh a. Rawn sawi chhuah tam tak kha chu kan cabinet Memorandum kan prepare zing ami point kha a nita berin alang a. Sum nei ila tan thuai mai hi kan duh a, amaherawh chu kei ni department lam chuan final a siam theih loh avangin Cabinet-ah tih luh angai a. Cabinet Memorandum pawh kan siam fel vek tawh a ni. Mahse, pawisa bawk, harsatna riva ang te, hemi kan Budget te kan la pass loh avang hian, la put luh theih rih loh a ni mai a. Chuvang chuan, Resolution neitu kha min tawiwmpui tu te vek, opposition lam an ni tih kha hria in, keini ruling pawhin a cabinet memorandum kan lo prepare lai mek anih si avang hian pass loh hian a kal mek tho va. Chuti chuan kan kal thei mai lawm ni tih Pu Speaker ka rawt duh a. Pass kher lovin hetah a kal mek tho bawk si a. Cabinet ah a lut mai dawn bawk si a, tih hi kei department changtu ngaihdan chu a ni a. Mahse Member ten an duhzawng an sawina te leh House duh dan hi a tlukna tur chu a ni mai a. Keini chuan tih tur ang zawng chu kan ti tawh a. Hei a staff te, building te, pawisa involve dan tur te leh engkim kan ruahman sa vek hi a ni a.

Tin Planning Commission pawn a duh bawk. Tin Geology and Mining India pawhin a direction min pek dan pawh a ni bawk a, tunah hian hna hi a pawimawh dawn

avangin theih tawpin kan ngaihven a, kan umzui reng a ni tih hi He house hi ka hrilh duh a ni, Ka lawm e.

S P E A K E R : Sawrkarin kan han tih vel mai a ni bawk a. A Resolution ang zawng nilo hian kan hmalakna a ni a. Chuvangin withdraw mai se i ti deuh tihna em ni ? Pu Lalduhawman sawi a duh tlat sawi phawt teh se.

Pu LALDUHAWMA, ZNP : Pu Speaker, Cabinet Memorandum buatsaih mek lai a lo ni leh wawi in a kan Ruling party ten manifesto-a an dah alo ni leh zel chu pass a va awl dawn ve aw tih kha ka thinsungah a lo lut a. Chubakah chuan tukin zinga i Bible thu rawn chhiarchhuah kha chunglam hriattirna i dawng deuh emawni chu aw ka ti a. Duh tawkin chaw in ei ang a. Tlangah te chuan Dar te in laichhuak ang a tih kha he Resolution nen hian a va inhmeh em !! Pass loh chi a nih dawn loh hi a, tih te ka rilru ah alo awm a.

Hei kan hriat angin Pathianin kan leilungah hausakna kan hriat ngailoh tam tak mai min lo dahsak hi kan vannei a. Wawiin thlenga kan la haichhuak thiamlo erawh hi chu min petu Pathian a zahawm lek lek in ka hria a. Tunah hian kan ram hi proven potential area ah Government of India in a classified diam tawh a ni a. Kan ngaih thlak tawh ang khan tunah hian Indian Company te, Russian Company te, France Company te ruaiin zone-li ah thenin ka ram zau zawng 58.09% lai mai cover mek a ni a. India ram ah hian covered area nei zau ber kan ni te hi a ropui khawp mai a. Tunah hian khatianga hma lo lak mek anih tawh avang khan alo dawngsawng tute hi kan in peih vat vat loh chuan kan tlai palh ang tih a hlauhawm a, chuvangin he resolution pawimawh tak hi kan member zahawm takin a rawn theh lut ta a ni a, thil tul tak niin ka hria a.

Pakhatna ah chuan hei hi Directorate puitling ah lo dah ila kan ram department zawng zawng ah hian kan sum hnar lianber siamtu tur a ni tih hi a chiang reng a, tunah pawh hian Deed of Agreement an siam ang hi chuan License fee ringawt ah pawh a kumkhata ah 1 sq.km ah Rs 50/- kum hnihna ah Rs 100/- kumthum na ah Rs 500/- kum lina ah Rs 700/- kum nga-na leh a chung lamah Rs 1000/- a ni a, kan ti dawn dek dek a, thil dang sawi hauh lovin license fee ah ringawt pawh vaibelchhe chuang he wing hian kan ram tan alo la lut der tawh a ni. Chuvangin, kan Revenue source pawimawh tak ani dawn ni mai lovin ani tan tawh reng a ni. Tin, a Agreement ah hian Royalty ah Oil anih chuan 12.05 percent hi kan ta tur ani a. Gas anih chuan 10 percent tur a ni a, chu chu a hlawk hle dawn a. Chumi piah lamah chuan 12th Finance Commission Recommendation chuan a Net profit hi Govt of India nen 50-50 in kan la insem leh dawn a ni. A license fee a kan hmuhtur te, royalty a kan hmuh tur te, a let profit a kan chan tur te ngaituah hian tun atanga hun reilo te ah hma kan lak chak a Directorate hran kan neih ngat chuan Vaibelchhe tel tam tak he department hian kan ram tan sum a hai chhuak dawn a ni tih a chiang reng a. Kan hnam din chhuahna tur, leiba hnam kan ni, kutdawh hnam kan ni, Delhi drip khai a nung kan ni, tih hi a bo na tur leh kan hotute pawh hnamdang zinga an thut pawha zahawm taka an thut ve phaha na tur, politics-ah pawh kan huaisenna tur,

hnam dinchhuahna tur a ni tak meuh meuh a ni. Hei aia resource tha hi Mizoram hian kan hriat phak chinah a neih ka ring lo.

Chuvang chuan Independence Sawrkar pawh lo ni ilangin tuna agreement kan han sign-puite aia tha hi signpui tur kan hmuh ka ring chuang lem lova. Hei hi a tha tawk a, chutiang chu a nih avangin a bawhzui vat vat tur hian a hranpa liau liau Directorate kan neih hi chu kan tih makmawh a ni.

Pahnihnaah chuan, Employment a siam dawn a ni. Hnathar a tet tak zet dawn a, B-tech Petroleum te, mining te, petrol-chemical, production te leh a chi hrang hrangte, MBA te leh clerical staff-te pawh tam tak kan lo mamawh ang a. Tunah hian kan University ah hian Geology Department a awm a. Hengte pawh hi tihchangtluna upgrade a ngai a. Science college 3 kan neihah hian Geology Subject hi introduced tan a ni in sawi a ni a nimina kan House Leader Speech-ah khan, a lawmawm ka ti tak zet zet a ni.

Tin, zirna sang zawka kan kal zelna tur pawhin kan sawrkarte, tuna kan MP zahawm tak Pu C.L. Ruala te pawhin hma an la mekin ka hria a, a lawmawm ka ti a. Agreement-ah khan sons of soil te duhsak bikna tur provision-te pawh a awm a ni. Engang provision tha pawh lo awm sela duhsak tur mihring, mithiam kan awm si loh chuan heng hna thawk tur hian hnam dang kan ramah hia an lo lut teuh ang a, he thil tha tak kan sawi mek hi assimilation a min hnuk luttu tur a la ni thei dawn tlat, chu chu hruaitu vawiina hetilaia kalkhawmte hian kan hmuh phak ka duh. Assimilation a chang mai thei, employment opportunity a siam mai theih bawk si a hi a eng zawk hi nge kan thlan ang tih hi a rang thei ang bera kan kalpui a ngaiin ka hria a. Heng mithiam chherchhuahna kawngah te hian kan kal vat vat theihna turin, chak taka thuneihna tawp nei Directorate hrang hi chu kan mamawh lo tih hi tuman an sawi ka ring lova, kan lung rual vek ka ring ani. Tin, a pathumnaah chuan Mineral dangte pawh ka ramah hian an awm a. Engtirnan, Atomic mineral kan han tih ang te pawh sample te pawh ka la a, ka test tir tawh nghe nghe a. A drilling machine te pawh Indian Bureau of mines ten a thlawn in an pe tawh a, anmaherawhchu, han phurhna turin Ashok Leyland pakhat pawh a leina an nei rih lo ani a. Lungalhthei te, limestone te, building stone kan han tih ang chi reng reng te pawh hi deposit engemawzat kan nei a. Tin, Muthi ah te pawh Lung an han la a, a hring nghalh mai a, a mawi hle mai a, Ashtray ah te an han siam a, a nalh em em a, hralh a tla em em dawn tih a Chiang reng mai a. Khang ang zawng zawng, oil leh gas ringawt nilova, han explore a, kan ram sumhnar rawn depchhuak tur hian Directorate hran kan mamawh anih tih hi a Chiang bawk in ka hria a.

Tin, a pali naah chuan, quarry leh balu hi Forest Department in a an enkawl thin kha ani a. Ka hriat soal loh chuan kum khatah nuai 12 vel bak hi an thehluat meuh lo ani. Staff tlem zawk daih nei, Geology & Mining in an han enkawl ve a, nikum chung khan vaibelchhe khat chuang an thehluat thei tlat. Chutiang ang ti thei chu kan duat a, kan chawm hi kan tih tur ani dawn lawm ni ? Kan fate zingah pawh kan pek apiang khawhral thin hi em ni kan pek zel ang ? Nge pei pung thei hi kan pek belh zawk ang ? Chuvang chuan, anni hi an

hnathawh atang te pawh hian han chawm zui zel tlak hi an ni ngawih ngawih in ka hria a.

Tin, a pangnaah chuan, Cooking Gas ah te kan lo intodelh ang a, thermal lian pui pui kan la din ve in a hralh pawh kan la hralh chhuak ngei ngei dawn nakinah chuan. Chumi hna han thawk tur chuan tunah hian a subject hrim hrim hi Central leh International subject ania. An mi dawr te hi International company lian pui pui te an ni. Chung chu an lokal a, an thu tlang a, an indawr a, heta Department pawh tling hlei lo ten a he international subject pawimawh lutuk an lo sawipui thin hi Protocol ngaihtuah pawh in a tih chi loh. An zahawm lo lutuk, zah kai ve deuh, ngaih pawimawh tham ve deuh a kan siam a ngai hrim hrim bawk.

Tin, a paruknaah chuan, kan Minister zahawm tak khan senso tam tur kha chhuanlamah a han siam a rilru hah miah lovin lo awm se ka duh a, senso tur hi a awmin ka hre lova, building an nei sa a, ram bigha 22 a zau an nei a, staff quarter an nei a, workshop an nei a, qualified Officers an nei a. Promotion pawh dawng dawn se senior tawk, qualified tawh an ni tawh a. Khang zawng zawng kha a awmsa vek avangin ti mai hian Directorate hran in ni ta e", ti ta ila an ni thei sa ringawt mai a ni, cheng khat mah sen a ngai lo, harsatna a awm lo. Department thar, senso ngai tak, post create teuh teuh ngai te, material leh stationery tih chawp vek ngai te chu nise, tun ang dinhmunah chuan rawt chi pawh a ni lo alawm. Mahse chutiang a ni lo tih chu kan chiang theuh a. Tin, chu bakah nichina kan sawi tak ang khan license fee ah ringawt lakluh tawh zat hi vaibelchhe hnih vel a lo ni a. Quarry leh Balu ah kum tin vaibelchhe khat vel an lo la lut bawk a. He Department hi hawng thar ta ila a intodelh zan a ni. Nagaland ah chuan Geology and Mining atan hian Pu Speaker, 30% an thawh chhuah atangin an pe a ni, anmahni intun nun nan chutiang chuan a tul a nih chuan kan ti ve thei a. Kan quarry te pawh hi a tul a nih chuan senso tih hniam kan duh a nih chuan kan out source thei alawm, kan private thei alawm. Chuvangin pawisa sum harsatna chhuanlam a he resolution hi kan in phar thlak sak dawn anih chuan justify theih a ni lo ang, sum sen belh a ngai tlat lo. Tuna a awm ang ang hian man-power pawh an nei tawh a, an neih ang chanve lek man-power nei department dang pawh kan nei tho. Chuvang chuan helaiah hian harsatna a awm lova.

Tin, Industry Department hnuai a han awm hian Industry in a ngaihtuah pui ber chu industry lam thil leh handloom te a ni a. Handloom tih te leh Gas tihte chu subject hrang lutuk ani. Chuvangin helaia Industry Department hotute nitin a hna tul zawk leh lian zawk nei reng te hian an enkawl hneh tawk lovin an tuiptui tawk lo thei a ni. Chumi anih avang chuan an mahni mi ngei technical mi leh tui mite, a chinchang hria ten thuneihna tawp an kena, a hranga an inbawl ve hi a tul em em ani.

Tin, Planning Commission ten min rawn nawr tawh a, Govt. of India ten min nawr min nawr tawha, nawr nawr ngaia awm kher hi kan tih tur emaw ni le

?Chuvang chuan vawinah hian a hranga an awm hi a tul ka ti a. Tin, kan ngaihtlak tawh ang khanin kum 29 a upa ani tawh a, mihring pawh nise indan a hun tawh ani, a rei ve tawh ani, a senior ve tawh tawh chuvang chuan indang ve sela, a tha in ka hria a.

A tawp bera kan sawi duh chu Pu Speaker, Cabinet memorandum tih te leh kan process mek, kan ngaihtuah mek, tih te hi a lawmawm lutuk, khatiang ngaihtuah mek sawrkar kan nei hi lawmawm kan ti a. Chuvang chuan he resolution ah pawh hian beiseina sang tak kan neih phah reng a ni a. Amaherawhchu, khatiang ringawtah kha chuan tui tawh lohna te, phur tawh lohna te, tih delay duhna pawh a awmpalh thei ani, a ngaihthat thlak tawh lo a ni. He House in resolution kan pass chuan a chaka, tumahin an sawisel thieng tawh lo, tuman a kalh zawnga tih ngam pawh ani tawh lo, tih puitlin tuma theihtawpa thawh kha official zawng zawng tan pawh tih tur ani ringawt mai. Chuvangin resolution pass tluka tha a awm lo. Department hranga awm tura kan inpuahchah tak meuh chuan resolution pass ngei kha a chakna tur, a tak tak a thlen theihna tur ani tih chu an hai hauhin ka ring lo. Chuvangin kan ram leh hnam tana tangkai tak tak kan hnam dinchhuahna tur, mahni ke a kan dinchhuah theihna tur, politics ah pawh economic independence a pawimawh hmasa kan ti a, political independence te pawh UN resolution on Indegenous people pawh a lo ni leh ta a thil kal kawp thei vek tur anih ka ringa, nakinah chuan. Vawinah hian keimahni hian kan ram leh hnam hi kan hmangaih tawh tak zet em tih hi he resolution hian min test mek niin ka hre tlat. Chuvangin resolution tluk a awm lova, sawrkarin a tih duh loh erawh chuanin min pharthla maisela, chuti ni lova, an duhzawng ve tho an manifesto ah pawh an ziah, Cabinet memorandum pawh an lo buatsaih anih si chuan pawisa senso belh ngai bawh si lo, a thawk chhuaktu ni mah mah department thar siam hi han pass tlang dial dial ila a va tha dawn em, mipui min thlirtute mit hmuhah pawh hian. Hmanni lawkah mawi takin thil kan ti tawh a, tun tum kan sorkar chu ruling leh opposition chu an infinchhuah tawn a, tha nia an hriatah chuan ro an rel lang zel thei mai a, tia beiseina sang tak mipuiten an neih theih nan pawh a hlu ka ti a. Tradition tha tak kan siamte pawh hi a hlu ka ti a, chutiang ni tur chuan kan Sawrkar lam pawh han inngaihtuah hram selangin ka duh tak zet a ni. Tu pawh mah kan sawi lo a, a tichaktu tur a ni mai a, khami duh lohltat kha chuan a phenah khan engemaw a awm a ni ang, tihte pawh kha kan ngaituah palh ang a, ka ngaih a tha lo ang tihte pawh a hlauhawm zawk a, rilru damtlang takin inhawng takin hei hi pass tlang dial turin kei pawhin kan ngen ve a ni e. Ka lawm e.

S P E A K E R : Chair atang khan sawihona kha ka la hawng chiah lova, a resolution neite zinga mi pawn lama kan lo hriat danin a moverte pawh han ni tur Pu Lalduhawma kha kan hriat avangin khati laia, Pu Lalthansanga han sawi kha han sawifiah belh deuh turah ka ngai a. Marawh chu discussion ang khanin thupui, hlapui tak meuh khanin a rawn hlap a, kha kha a lawmawm a. Ahmaa ka dinna bawkah khan kan ding leh bawh ang a, Sorkarin an tum mek thu Minister khanin a sawi a. Kha kha motion neitu khanin, chutianga sorkarina a tum mek a nih chuan ka withdraw thei mai e a ti thei em ? tih kha Pu Lalthansanga ka zawt duh a ni.

Pu LALTHANSANGA, (MPC) : Pu Speaker, a motion neitu ka nihna anga min sawm avangin ka lawm a. Kan sawi nual tawh angin hemi thil hi kan ram tan kan sorkar pawh hian a flagship programme ah hian neive sela, a vote hmuhna em em pawh a ni lova compaign lai chuan, amaherawhchu sorkar anga tan chuan vawiin ni kan dinhmun te zuk en chuanin heti khawpa pachhia kan in tih lai si hian he earning Department te hi chu nasa takin kan upgrade tur a nih zawk laia Cabinet memorandum tih zawng ai khanin he House hian he Resolution hi min pass pui hram se tih kha kan ngen duh zawk a, Earning Department te hi chu vawiinah nasa taka kalpui a, future atan pawh a pawimawh em em a nih chhoh zia te a lo lang chho zel a ni a. Nichina kan ngen ang khan hei kan mi ui em em Chief Minister ropui ni chho mek te Pu Reddy a hriat reng nan te pawh khan he resolution ka rawn move hi min pass sak hram turin ka veilam a mite hi kan ngen hram hram in kan sawm bawk che u a ni. Ka lawm e.

S P E A K E R : Awle, ti khanin chu chu kan dinhmun a ni ta, Minister khanin Sorkar lam dinhmun, tun a a tawng mek House min hrihl tawh a. Tin, a mover khanin heti lai House ngei atang khan kutthlak ilangin kan thu a chakin a rang ang e tiin a thahnem ngaih thu kha a rawn ti ni ta bawk a, chuvang chuan sawi ho na nei lo dawn ani. Thiltha pawh hi a that dan kan in hrihl tawn a ngai thin a ni, a tha lo ti lo pawh kha tha kan tih dan chin pawh sawi ho a ngai fo a ni. Chhungkua ah pawh chu chu kan sawi ho fo thin a ni. Chuvang chuan in sawi hona kan lo nei ang a. Pu Duhawma erawh kha chu sawi hona fumfe tak a nei tawh ah ngaih sak mai ila. Minute 5 aia tamlo in pe ila. Tah chuanin minute 1 emaw la awm khanin bell ti ri ila a tha awm e. Tichuan in sawiho dawn teh ang u. A hlimawm ve hrim hrim a lawm mawle.

Dr. R. LALTHANGLIANA, (MNF) : Pu Speaker a lawmawm hle in ka hria, hei vawiin a resolution hi kan MLA zahawm tak 3 ten a in ang khat tlang deuh in a thu tlema ti danglamin, amaerawhchu a ken thuhmun in an rawn pulut a, congratulation kan pe duh hrim hrim a Sorkar hmasa kalta khan helam pang hi ngaihtuahna nasa tak kan neihna lam ani a. Kum 2004 vel bawr kha Pu Duha sawi ang khan in global level tak takah, tiang khanin deed of agreement te siam ani a. Chuvang chuan kan zinna kawng ah pawh North Vanlaiphai kan kal pawh in Lunglei lam kan kal pawh in nikum hmasa lam atang khan drilling an bei tan a, nasa takin hei kum 2-3 kal ta atang khan Mizoram hmun tinah tih chhoh ani a. Sorkar hma ang pawh a kan buaipui leh kan ngaih pawimawh, ram hnuk tak tak thil ani tih hria a hmalakna anih avang hian a enkawltu mumal tak department vawiinni thlenga a hranga kan nei lo tur hi fello in keipawhin ka hria a. Chuvang chuan helaia Government lam ina Cabinet Resolution ang deuh kan ti dawn nge, agenda kan ti dawn tih laia kha chu a lawmawm tho a. Amaherawhchu kan member zahawm tak ina tun maia a rawn sawi ang khanin House ina kut kan thlak hi chu a danglam khawp mai. Chuvang chuan nakin zelah pawh engemaw hemi chungchanga kan hmalakna sawisel leh thil a awm anih pawh in

collective responsibility mawhphurhna kan lak tlan a, House a kan pass hi chu a tha dawn a, chuang chuan tlawm ah nei lo sela a tha in ka hria ruling lam pawh in. Hei hi kan pass ngei kha tha in ka hria hei kan ramah kan hre vek a, Agriculture te leh thil dangah intodelhna tur takin thil tih a har em em mai a, kan hria a, kan experience tawh a. Chuang chuan Pathianin kan ram chhung ngei a, keimahni Sawrkar chakna pawh a kan dapchhuah theih mai loh ram dang thiamna hmangte a kan han tih chhoh mek, tunah kawng lo insial ta mek, kawng leh lamah a dawngsawngtu tur leh a enkawltu tur depts hnan mumal taka nei lo tul ta hria a, kan member pathum te in an rawn rawtna hi kei chu pass ngei tha in ka hria a. Meghalaya ah khuan Uranium te an sawi ri thin a, a debateable khawp ang reng mai a. Hetah an Student Union ten kawng hrang hrangin a chang chuan fimkhur thilah harsatna te pawh an han siamsak a. Kan ramah erawh chuan hei thui tak sawrkar ang pawhin kan lo kalpui ve tawhna alo awm a. Tin, Oil mai hi an enkawl tur a ni lo tih pawh tunah kan hre tawh a, kan rama, Geology & Mining a enkawl tur thil tam tak dang a awm ani a, minute 5 lek chhung khan a sawi theih si lova. Khang vang khan vawin ni ah hian a hranpa a kan nei hi chu a ngai ani tih hi a chiang reng mai a. Employment chungchangah pawh hian Pu Speaker, hei kan ram hi Nagaland te chu kan thenawm State an ni a, an la tlem hle emaw ka ti a, hmannah kan zawt a, nuai 20 lai an lo nei a, Mizoram hi nuai 10 bawr vel population kan ni a. Kan la tlem hle mai a, employmentah pawh hian nasa takin skill employment lampang piah lamah hemi manual employment pawh hi hemi hmang hian a bik takin oil kan generate chho anih chuan a sing tel tak meuh kan dah chho thei mai awm mang e tih hi ngaituah naah a awm thei in ka ring a. Chuang chuan hei hi loh theih loh a kan tih turah kan ngai a ni. Tin, department lampang inpuahchahna khan sum sen a ngai lo khawp mai. Hemi hi kan pass a, Pu Speaker awm rawh se kan tih chuan a awm ani mai a. A chhan chu hei a department staff lamah lakbelh tur teh chiam kha a awm hranpa lova. A awm anih pawhin tun rum rum kha a ngai chuang lova. Ministerin ti mai ang a tih a, a cabinet colleague tepawh an rawn duh anih chuan a rawn thei tho a, sum senna tur kha a awm lo. Tin, a drilling machine te, leiverhna tur ang chi te pawh hei kan Geology & Mining hian vawin ni an lo nei diam diam a, a tha zawk neihte phei chu ala tul a nga, engpawh ni sela infrastructure-ah te, staff lamah te engmah harsatna a awm lemlo bawk a, chuangin he kan resolution hi kan pass mai hi kan tih tur niin ka hria a. He kan pass hian Sawrkar in hma alo la ve a nih pawhin a hmalakna kha a ti chak ting ani mai a, sawi a nuam ting a ni mai a, chuangin he resolution hi pass ngei ni sela, tih hi kan thlawp a ni tih kan tarlang duh a ni. Ka lawm e.

Pu R. LALRINAWMA, INC : Pu Speaker ka lawm e. He resolution Geology and Mining wing Directorate hrang a awm tura tih hi thil tha tak niin, a tul a, a tulzia hria in sawrkar pawn hma ala a, sawrkar in hma alak mek na a Resolution a kan bawhzui zel dawn a nih chuan kan ti seng lo vang a he sawrkar thar hian thil tha tak tak hmathar lakna a nei dawn a, chuta resolution a umzui zel tul kan ti tlat a nih chuan Assembly hun pawh hian a daih dawn lova, chuangin Pu Dy. Speaker, I hriat angin Mizo District Council atangin U.T ah kan in hlangkai chho va, ram hmasawn zel leh kan mamawh ang zel in heng Agriculture, Soil, Horty-te, Minor Irrigation-te pawh

an awm hrang chho mek a, Tin, Health Department atang pawhin Health Service-te, Hospital and Medical Education te a hrangin, PWD-cell te pawh PHE, P&E tih te, Excise and taxation tih te pawh tunah Department, hrangin an kal tawh a, Supply leh Transport-te pawh Department hrang hrang khang zawng zawng kha Assembly a Resolution pass avanga tih niin ka hre lova, Assembly a a tul a piang Resolution a tih kha a ngai lo a ni. Tin, Geology and Mining tangkai dan sawi dawn ila, helam atang pawn nasa tak sawi tur kan hre theuh a. Thil tul a ni a, mahse sawrkarin hma a lak mekna kan hriat avanga resolution kan pulut zawk nge ni ? tih kha a ngaihtuah theih rum rum a, kan Chief Minister te pawhin Press statement ah hmannah te pawh a sawi lang tawh a, Sawrkar hmalakna a ni tih. Tin, Pu Deputy Speaker, a move tute khan tunah hian hna tam tak a rawn siam dawn a ni tihte kha tun Sawrkar tharin Geology and Mining subject College pahnih ah leh Higher Secondary pahnihah a rawn introduce chho mek a. Heng atanga mi thiam lo chhuak tur te pawhin hna an hmuhna turin Sawrkarin hma a la a ni a. Chumi hma a term hmasa a kan Chief Minister in a sawi anga a hmin hma a kan lo hawlh thawt thawt chuan, kan lo inzirtirhiam hmaa kan lo hawlh thawt thawt kha chuan ram leilung fate ni lo kha Department tharah khan an thawk rum mai ang tih te a hlauhthawn awm a. Chuvangin sawrkar hmalakna hi ngaichang ila tih kha ka rawn sawi duh a ni. Tin, Department a an awm hma pawhin sum khati zat an la lut a nih tho chuan department ah te awm ta se an la lut lo zawk mai a ngem tih te pawh kha ngaihtuah theih te pawh kha niin ka hria a.

Tichuan vawiinni ah khatianga Department bifurcate ngai zawng zawng hi resolution-a kan ti dawn a nih chuan Supply Department atanga Consumers Affairs tih te hi mipuiten ram thang zelah Consumer Affairs te hi a lo pawimawh em em a. Chuvangin, hengte pawh hi resolution-a pass ngai a ni ang a. School Education atangin Elementary Education te, Secondary Education te pawh hi Directorate hranga dah chu tul tak a lo ni a. Tin, Home Department atangin Directorate of Prosecution tih te pawh hi State dungah te pawh an neih a ni a. Hengte pawh sualna kan dona kawngah te, ram hmasawn zelin sualna a rawn kenna kawngah, khang kan hremna tur khan Prosecution Directorate hrang te pawh hi neih a tul hle a chung tul tak tak awma chu resolution in kan ti vek seng dawn lova. Vawiin niah pawh Sawrkar hmalakna chu ring ve mai ila, tichuan, resolution a pass kher hi a tul lo ka ti a ni. Chutih rual rual chuan, Pu Deputy Speaker, kan sawi duha chu bifurcate a department thar kan pian tir rual rual hian amalgamation zawnga kan ngaituahna te pawh hi hman a tul hun a awm dawnin ka hria a.

Term hmasa lamah khan Agri atanga bifurcate Soil Department te pawh kha chhawr tangkai miah lovin enge an thawh tih pawh hriat lohin an awm a. Mahse tun Sawrkar thar erawh chuan chhawr tangkai an tum ta a. Land use ah te, tiang ang khan Department an tam ruih khan hnathawh inpawlh a awm a ni. Geology and Mining te pawh hi Town & Country Planning te leh Forest te Revenue te nen hian an hma lakna hi a in su thei riau mai a. Chuvang chuan amalgamation zawng a ngaihtuah ngai te pawh hi a la awm dawn a ni, tih te pawh kan ngaituahna ah te awm sela thain ka hria. Ka lawm e. Pu Deputy Speaker.

DEPUTY SPEAKER : Pu P.P. Thawla

Pu P.P. THAWLA, MDF : Pu Deputy Speaker ka lawm e. Kum 2004-a term kum khat na a tawp hma khan 19 Nov., 2004 khan Resolution pakhat ka put luh kha House-ah lungrual takin kan passed a. Kumin ah hian kum khat a ral leh hma lawk 17th Oct. 2009-ah Resolution pawimawh tur pakhat a lo lut leh a. A changtu pa Minister hi District pakhat atanga lo kal kan ni baw k a, House-a Sawrkar kal laiin thil a lo rawt mek a rawn sawi chhuah tak te pawh kha a lawmawm hle in ka hria a. Vawiina Pu Lalthansangan he Resolution pawimawh tak a rawn put luh hi passed rual ngei a tulzia thu ka rawn tarlang ve dawn a ni.

Mizoram hi Government rorelna kum 38 kan kal mek tawh a. Mizoram tana leilung hausakna chungchang thuah leh ram thu thlung thuah te inlarna hmu tu ten an lo sawi tawhte ka chhiar zeuh zeuh thin a. He Pathian hnam thlan Kristiante awmna leilung hnuaiah hian leilung hausakna tam tak a in phum a. Chung chu haichhuah a la nih tur thu te chiang takin an lo tarlang tawh a. Tichuan hei kum 35 lai Government of Mizoram kan nih tawh hnuaiah leilung hausakna in phum hai chhuah na tur atan a Directorate hran nei lova hna tan lova kan awm reng hi kan ti dik lo a niang tih ngaituahna thui tak tunah hian mi neih tir a ni. Pu Deputy Speaker, chuvangin he Resolution hi Cabinet Memorandum te a lo kal a, lo lang chhuak tho tur chu ni tho mahselangin hetah member thlan tlin thah mai 40 rual thut khawmna House zahawm takah hianin tawngtaina rualna kan neih a, tawngtai tui deuhte pawh an awm a, tawngtai tui lo deuh te pawh an awm a, a tawp nana lungrual tak a Lal tawngtaina kan han chhumzawm kha a rualna lai ber ni thin in ka hria. Chuvang chuan he Zoram lo lan chhuahna tur leh a hausaknate hai chhuah alo nih theihna tur te, nakin ah he ramin thenawm khawveng ramte mit hmuh ah te pawh chawimawi tlak leh sawitlak alo nih theihna tur atana pawimawh tak mai chu a ram chhunga leilung hausakna in phum Natural Resources te, Mineral Resources kan tih ho zawng zawng a lanchhuahna tur ber hi Geology & Mining hi Directorate hrana a awm hi a tul ka ti ve em em a ni. Subject committee in khu lampang kan zuk fan lai khan an office te kan fang a, an in chung atangte in ram kan thlir a, hmelhriatte hmelhriatloh deuhte thiam tak tak degree tha tak tak nei te an lo thu fur mai a, khung ho in a a full a an thiamna leh finna te hmang tangkaia ram hausakna haichhuahna atana an lo chet chhuah theihnan Directorate hran power kan pek hi a pawimawh hle in ka hria a ni. Chuvangin cabinet memorandum buatsaih mek nimahse kan zavaia ro kan relna House ah ngei hian he resolution hi lungrual takin Amen dual ila, passed dial ila a tha lawm ni tiin ka thlawp thu kan sawilang a ni e. Ka lawm e.

S P E A K E R : Pu K.S. Thanga, a dawt ah
Pu T.T.Zothansanga kan ti dawn nia.

Pu K.S. THANGA, PARLIAMENTARY SECRETARY, INC :

Pu Dy. Speaker, ka lawm e. Vawiinah hian thu in chuh kan nei lovin ka hria a, duh thuhmun kan ni a, amaherawh chu a time factor mai niin ka hria a Pu Deputy Speaker, kan thian rawn pulut tu member zahawm tak, ani pawh first-timer a ni a, ani

kutthlakna ringawt hi chu nise hriatthiam a awl ka ti a. Amaherawhchu kan Senior MLA leh party senior leader party hotute an tel ve tlat avang hian sawi loh ka tum kha kan sawi duh phah deuh a. Vawiinni ah hian ngaihthlak helama kan member te atanga kan ngaihthlak tawh ang khan he thil hi kan Sorkar in uluk takin a ngaihtuah a, hei nichina Resolution rawn move tu pawh khan, Cabinet Memorandum tur arawn buatsaih a ni, arawn sawichhuak kha ani berin ka hria a, engtin nge hetiang Cabinet memorandum te hi alo neih theih aw tih te ka ngaituah rum rum a, tha hnem ngaihna te pawh hi a chintawk awm se tih te ka ngaituah rum rum a. Sawrkarin reilo te ah Cabinet ngaituah turin a chhawp mek a ni a, chuvang chuan he thil hi kan tilo ange tihlam nilovin, kan Sawrkar hian tih atum mek a ni. Hmanni lawk-ah khan kan Chief Minister in Press conference ah te hemi chung chang hi chiang kuang takin rampum huap ah a sawi tawh a, Chuvang chuan vawiinnia, Sawrkar pawhin tih alo tum hma alo lak tum, Cabinet Memorandum atan pawh hei ruahmanna lo siam tawh a kha, sawrkar ka lo hmakhalh teh ang tih niawm tak a hetia han tih a hi, engnge ni a puitling ber em ni aw tih te. Chuvang chuan he sawrkar hian hmalak a tumzia hi sawi ani tawh a. Chief Minister Press in Conference ah a sawi a, Tin vawiin ah a changtu Minister in chiang kuang takin a rawn sawi a, chuvang chuan lo nghak rawh u. A naupang huai bak anga hetia lo tih thawt thawt hi sawrkar lo tih tum a hi puitling takin Rorel tu leh mawhphur tu kan nih angin, i lo ngaihchang ang u, minti mai a ni a. Chu chu Resolution min passed pui duh lo ti zawnga innawr lehna chi ah pawh kei chuan ka ngailova, Chumi ang chuan sawrkar in hma ala dawn a ni tih a kha vawiin ah hian kan ring ngam tawh dawn lawm ni ? Vawiin ni ah hian mipui ten Sawrkar a hi an thlang a ni a. Chuvang chuan hmalakna tur tlan khalh hi he House atang hian a tul ber em ni ? tih kha vawiin ah hian kan sawi duh a.

Hei, tuna kan ngaihthlak ang khan he geology subject bikah hian hmalak tuma, inbuatsaihna atan Mizoram College pahnih leh Higher Secondary School pahnihah hian hemi Geology & Mining subject bik hi zir turin introduce a, Education department pawhin chutiang chuan hma an lak mek a ni. Tin, tunah hian kan thalai tam takin nichina kan member zahawm tak te sawi ang khan hemi Mining Department ang a awm hran hi chuan nasa takin hnathawh tur a lo pung dawn a, chungah chuan kan thalaite pawh hi inbuatsaih an la ngai hle a. Bio-tech petroleum lama khatiang thiam thil zir turte pawh khan vawiinah hian kan infuih a ngai, hnamdangten kan ram mawhphurna pawimawh an rawn chanlohna tur khan kan thalaite pawh chu he lamah chuan tan kan laktir a ngai hle in a lang a, chutiang chu vawiin ah hian anih lain, kan sawrkar kha inbuatsaih miah lo nise chuan resolution a rawn nawr emaw, hmala tura rawn nawr pawh kha a that lohna pawh a awm lo mai thei a, mahse vawiinah hian a mawhphurtu ber ber pahnihin an sawi tawh avangin vawiina helam hi tlankhalh loh in kan Sawrkar hi huaisen takin nghak ila. He ram tan hian ngaihndan thuhmun neiin vawiin ah hian kan kal a, he hnam tan hian kan thu inchuh chu plan factor mai a ni a, reiloteah kan inbuatsaih fel ang a, kan ti thei ang, an tih hi ring ngamin Mizo mipuiin he Sawrkar an ring ngam ang hian kan zavaia vawiina member zahawm tak tak te pawh hian ring ngam turin kan insawm ve a ni e.

Pu T.T. ZOTHANSANGA, INC : Pu Deputy Speaker a lawm e. Hei vawiin Private Resolution rawn lut hi a pawimawh khawp mai. Nichinaah khan kan Speaker khan, “Cabinet Memorandum ah te pawh a lo awm tawh si a, i in withdraw leh

thei mai lawm ni?" a tih khan, Resolution pu luttu khan in withdraw duhna rilru a pu a, amaherawhchu a bul ami a varawn zauh a, an in withdraw leh ta lo anih kha, chuvangin kan sawi zawm dawn a ni.

Hei kum 2003 atang khan Geology Mining Wing hi Directorate hrana dah tuma kha chu a lo awm reng tawh mai a. Term hmasa khan Press release te chhuahin, proposal hialte pawh siam a, thehluh a lo ni tawh a. Chubakah, Deed of Agreement te pawh vawi 2/3 signed a ni a. Amaherawhchu a harsatna lai leh thil engkim, tih tur a tamzia hria khan, theihtawpa tan an han la chung khan, hma an hlen chhuak hlei thei ta lo kha a ni a, chuvangin anni roreltu hmasate kha chuan vawiinah pawh hian sawi tur vak an nei ta lo a ni.

Kan session hmasa ah khan kan Home Minister in hma a lak mekna, Home Guard dinhmun siamthat chungchangah khan, Opposition hotute hian Private Resolution an rawn pu lut tawh a. Chutah chuan kan lo pass pui tawh a ni. Kan hma lak mekna kha a ni na a, a kaptu chan i chantir ang kan ti a, salu kan lo hawntir tawh a. Vawiin niah hian an zawngchhang emaw ni chu aw! ka ti. Kan Sawrkarin tuna a hmachhawp mekah pawh resolution an rawn nei leh a. "Cabinet in Memorandum a neihna a ni e" kan ti lawm lawm chung pawhin an rawn dai lut hram a. A hun lovah, nau thlakim loa piantir talh an tum niin ka hria, chu chu ka sawi duh a ni.

'Rilru lo ruahman lawkna hi mihring chan a ni' tih angin, kan sawrkar pawhin he thilah hian ruahmanna hrang hrang a lo neihzia chu an hria a, an sawi nual tawh ang khan. Vawiinah hian tam tak rawn sawi nawn ka tum lova, engkim tan hian hun ruat a awm e. Geology & Mining hi Directorate hranga dah hun chiah chu a la nilo deuh emaw ni chu aw, ka ti a ni.

Mizote hi thingtlang lo nei mi kan ni a, Lo kan vat a, kan hal a, buh kan ching a, hlo kan thlova, buh kan seng leh thin. Chhungkaw pakhat chuan lo an nei dawn a, nu leh paten rim takin, thahnem ngai takin lo an vat duai duai a. An vah mek zel laiin an vahchap hmasa lo ro tawh chu an fapa khan hal a lo tum chhen mai a, chutiang chu kan ang riauin ka hria. Vawiin niah hian keini ho hian thingtlang lo neiho ta ila, Pu Speaker, I vei lam amite hi chuan Lo hal an duh hma awm mang e, ka ti deuh a ni. Pa berin hal hun dik tak a hria a, Chutiangin kan sawrkar pawh hian Geology & Mining Wing hi Directorate hran neia a dah hun chu a hre turah i ngai ang u. Theirah pawh hian hmin hun a nei a, a hmin hmaa kan hawlh kan hawlh chuan a chhangchhiat thlak dawn em mai.

Kan resolution hi kan hnawl lam ni lovin, a hun leh a ngaihna hria hotute kutah a awm mek a ni tih i hria ang u. Hun a lo kal ang a, sawrkar kalphung leh hmalakna tur, tih tur tul tih nachang hria hruaitu nei kan ni a, an kutah inngat thiam ila. Synod rorel ang deuhvin, "Kan kalphung leh hmalak mekna a ni tih kan inhrilhfiah" emaw," Kan sawihona hi a tawh rih e" emaw i ti mai ang u, Ka lawm e.

DEPUTY SPEAKER

: Pu C. Ramhluna

Pu C. RAMHLUNA, MNF : Pu Deputy Speaker ka lawm e. Vawiina kan resolution hi a tha kan ti tlang a, a pawimawh kan titlang a. Ruling party leh heti lama mite pawhin a tul zia hriain hei kan sawiho a. Kan sawihonaah khan a thalo a hunlo ti lampanga sawi chu kan awmlo khawp a. A tulna sawi deuh vek kha kan ni a. Vawiinniah pawh hian hei hi thil lawmawm tak ni pawhin ka hria a.

Tin Ruling party te pawhin en chik a tha hle pawhin ka hria a. Tun hma pawhin thil tha a nih chuan Resolution te pawh kha in lo pass pui tawh thin niin ka hria a. Tun tumah pawh a tha lo, a chhia, tihpuitlin chi a ni love, ti tumah kan awmlo niin ka hria a. Kan sawi bera chu tunah hian Cabinet memorandum siam mek a ni a. Chu chu Cabinet-ah kan pulut dawn a. Chuvang chuan lo nghak rawh u tih kha a ni mai a.

Vawiinah hian he Resolution hi hemi Cabinet Memorandum siam hmaa lut tawh kha anih ka ring a. A siam lai khan Resolution a put luh lai khan a draft lai khan Cabinet Memorandum hi a awm pawh ka ring lemlo a ni. Vanneihthlak takin tunah hian Resolution hi alo chhuak ta a. Tah chuanin hei hi alo lut a ni a. Chuvang chuanin, vawiin a kan sawiho hi a tul hlein a lang. Khawngaih takin lo ngaithiam ula. He thil hi kan ram tana thil tha a ni a. Thil chhe tur pakhatmah a awmlo, keini pawhin kan duh a, in duhve a ni mai zawk mah mah a nia. A hmasa lamah pawh khan sawrkar hmasa ah khan tihawh, Cabinet ah pawh a put luh a ni tawh a, mahse harsatna a awm chiah pawh ni lovin hun avang khan an la pass lo kha ani mai a, khatiang tho khan hlauhthawn awm thei kha a ni ve a, Cabinet ah hian lo pulut ta pawh ni ula ala hun love, sum leh pai ah harsatna kan tawk e tih avangin he Resolution tha tak hi paih leh hnawlin a awmve thei tho mai a, chuvang chuan khami hlauhthawn thil thu avang khan vawiin ni ah hian he Resolution hi kan House hian lungrual takin thalo ti kana wm bawk silova i pass tlang u kan ti a ni a kan ram tana tha tur a ni a, a that dan tur zawng zawng pawh kha kan hre vek tawh a, chuvangin vawiin ni ah hian hnawltu tumah kan awm bawk silova, he Resolution hi khawngaih takin pass tlang turin ka ngen che u ani tih hi ka sawi nawn duh a. Tin, thil reng reng hi thil thar angin a lokal dawn angin ngai ta ila, thil thar han tih dawn hian Department ah leh Sorkar ah te chuan sum leh pai chungchang thu ah te harsatna a awm dawn em tih te kha ngaihtuah ani thin a. Chumi ah chuan sum leh paiah pawh hian he Geology & Mining hi Directorate hranah lo dah dawn ta ila harsatna pakhatmah awm dawnlo niin a lang a, tunah khan Annual Plan ah pawh khan 70 lakh dah ani tih kha a ni a. Tin, Non-plan ah khan 301.03 lakh dah ani tih ani a. Chuvang chuan a vaiin 300.03 lakh dah ani a, chuvang chuan tunah hian Geology & Mining Wing hi Directorate pakhatmah lo dah tawp pawh ni ilangin sum lampangah harsatna an tawk dawn lo hrim hrim niin a lang a. Tin, moveable leh non-moveable property pawh hi an ngah tawka, an nei tam tawk a, chuvang chuan a hranpa a Department thar a han dah dawn hian harsatna pakhatmah an nei dawn lo hrim hrim a, tin, Central Sorkar lampang atang pawhin a hranpain lo dah rawh se tihna kha a awm mawlh mawlh a, 1987 ah te, 2003 ah te khan a lo awm tawh bawk a. Chuvang chuan anni pawhin theihtawp chhuahin lo tirawh sen an tih mawlh mawlh laia engemaw thila delay awm thei thil hi thil venthawn thilah he Resolution hi vawiin niah hian House hian pass ngei ila tih kha ka han sawi nawn ve leh a ni e. Ka lawm e.

DEPUTY SEPAKER : Awle, kan Resolution hi kan pawm tlang vek mai a, tha kan ti tlang a, tumah thu inchuh kan awm lova. Hei chawhma kan zawh nan minute 15 a la awm a, vawiina Resolution 3 kan neih hi a inang deuh vek a. Hemi hi kan zo anih kha chuanin a dawt leh ami kha lak chhunzawm a ngaih ka ring lova. Chuvang chuan inhnialna leh thu inchuh engmah a awm lova. Engpawh nisela, sawi lam kan khap nilovin kha kha kan hriattlan atan kan sawilang mai ani e. Engpawh nisela, Pu John Siamkunga i lo sawm ang.

Pu JOHN SIAMKUNGA, INC : Pu Deputy Speaker, ka lawm e. Vawiin a kan resolution hi tlem sawi ve lawk ka duh a. Ni e, Natural Wealth ah hian Mizoram hi kan hausa ve in tlang ti ti ah kan hre thin a. Ka hriat dan a soal loh chuan kum 2007 August thla khan National News Paper-ah leilung hausakna India rampuma mi kha tender a ni a. Chumia a landan chuan Mizoram hi International Company, Foreign Company kan tih maite tiamin Company 7 laiin an chhang ani. Helaia kan thenawm Tripura hi 2 in an chhang a, Manipur hi 1 in. Tin, Ocean lamah pawh an chhang hlawm nual ani. Chumi in a entir chu Mizoram hi leilung hausakna ah chuan engemaw chenah beiseina sang tak a awm ani tih kha a Chiang ani. Chumi anih avang chuan kan sawi tam takah khan Mizoram hi hmun li ah thenin a explore hna kha an thawk mek tih te kha kan hria a, a ropui khawp mai, a lawmawm hle ani. Chutiang chu thil kaldan a ni a.

Tin, kan member zahawm tak tak ten Uranium chungchang te an rawn sawichhuak a. Hemi Uranium enriched material thorium te, thorax te, plutonium kan tih ang chi te pawh hi awm tura ngaih ani. Khami anih avang khan hengte pawh hi nakinah chuan an la zawng zel turah pawh a ngaihtheih a. Tin, Sittwe lam atanga Pipeline lokal tur kha kum tam tak atang pawh khan kan lo vei tawh a, keinina kan ram kan lo humhalh ve loh chuan a hnuaiah engzatnge thilhlu awm tih kan la hre silo. Chuvangin, Natural Wealth lamah hi chuan Mizoram hi engemaw chenah beiseina sang tak kan nei ani. Chumi in a entir chu Mizoramah hian nakinah chuan hna eng eng emaw a la awm dawn ani. Chung thilah tepawh chuan heng Mizoram a thlitfim chungchangah pawh fractionating tower chi ah tepawh Mizoram ah te hian engemaw zat chu, chutizat percent te chu thlitfim ve ni rawh se tih pawh kan lo sawi ve thin tawh ani. Khami anih avang khan Mizoram leilung hausakna kan haichhuahna kawngah hian nasa takin foreign company ten tunah hma an rawn la mek a. Chumi tawiawm a back up tu Mizoram Sorkar hian a tihtur ang chi chu tunah hian a ti chho ve zel ani. Amaherawhchu, hun hi a la duh deuh dawn a, engtik hunah nge hemi an zawn hna hi an zawh dawn tih pawh a la Chiang lo ani. Chumi anih avang chuan tunah hian khang ho kha nasa takin an thawk a, Mizoram pawh hi a Sorkar level ang hian kan inbuatsaih chho zel niin ka hria. Tin, tunah hian Geology & Mining hian kan member zahawm tak tak ten an sawi a, Revenue Earning Department ani an ti a, a dik khawp mai. Revenue chu an thawkchhuak tha khawp mai.

Amaherawhchu hetia kan sawi rual rual hian vawiin nia kan ngaihtuah tura pawimawh ta zawk a chu Mizoramah hian Department awlsam te te in kan lo din tawh thin a, kan din a hi Chiang taka zuk chhutna pawh awm lem lovin khulai Central lama a corresponding department lama kha zuk chhut lem lo hian kan din ve chawr thin ani. A dik tak chuan Union Budget kan en chuan kan huichhuah tur tam tak a awm ani. Helaia a corresponding department hi kan bun fuh chuan, teh khin nan, Ministry of Tribal Welfare chungchang te, Mizoramah kan nei lova. Chumi a nih avang chuan Tribal Sub-Clan hnuaiiah, khawi Department nge kan hman ang tih kha hriat chian a ni thei ta lova, Forest hnuaiiah kan ti ta mai a ni. Heng Department tam tak hi kan bifurcate avang a central lam a hlawkna kan hmuh lohte pawh a awm nual a ni, a hautak si. An in chhuanhran tawh chuan engkim an duh ve tawh si a, Department lian duh zat kha an duh tawh si a ni. Khami a nih avang khan kan chhut chian hi a ngai viau in a lang a. Chuvangin Mizoram ala awm lo, Ministry of Tribal Welfare leh Ministry chungchang te hi kan ngaituah te pawh ngaiin ka hria a. Chutiang chu kan kal chhoh dan tur niin ka ring a.

Tin, tunah hian ngun taka kan ngaituah chuan faten, “ka pa kawr min lei rawh,” an han ti a. Kan pawisa neih remchan loh avangin, “mamte, lo nghak rih rawh,” tihna ang khan ngai thiam ila. Tunah hian duh hle mah ila, sum leh paiah kan neih in a la tlin si loh chuan, tin lehkha in rawn phawrh tak si ah chuan Cabinet Memorandum tur a tih ni mah sela, helaiah hian duh luat vang nge ka hre lova, Senior Geologist leh Junior Geologist te hlawn in ang tur ang a rawn tar lante hi an lungawi rei angem aw, tih te hi ngaihtuah theih a ni.

Chumi a nih avang chuan hengte hi lehkha in rawn lek chhuah tak si ah chuan a famkim lo deuhin a lang a. Duh luatah hian thil hi kan class sual deuh em aw, pawh a tih theih a. Tin a hming a tan pawh hian Mineral Resources Department han tih ngawt hian Central lam a Ministry lian tham te nen kan in correspond-na turah hian a fuh ber angem tih te pawh hi ngaihtuah tham tlingin ka hria.

Chuvangin Central budget tham tak tak te kan hmuh chhuah theihna tur chuan Mizoram a Department hi fel tak a kan singsak a ngai zawkin ka hria a. Chumi a nih vang chuan he motion hi sum leh paiah indaih lohnate te a awm bawkw avang leh tunah chuan in singsak chhoh lai mek a la nih avangin hei hi chu kal deuh rih se. Kan hotute rawn rawt angin Cabinet Memorandum-ah te an la pu lut ang a. Khatiing ang khan Sawrkar nghak thiam ila tha in ka hria. Ka lawm e.

Pu K. LIANTLINGA, ZNP : Pu Deputy Speaker, ka lawm e, hun tha tak min pe a, hei vawiina kan thil sawi hi a pawimawh hle mai a, House a sawi chi ani love, tih te pawh kha an awm nuala, amaherawh chu, thil tha turah hi chuanin House ah pawh kan sawi tur a ni a, House lo ah pawh kan sawi tur a ni a, khang ah khanin Health-Care Scheme tih te pawh kha society thil ani a, khang kha nichinah pawh an rawn sawichhuaka, helaiah pawh resolution ngeiin kan passed tawh a. Khatiing kha thil tha ah chuanin opposition kan ni emaw ruling kan ni emaw kan inthlawp tlang turte pawh a nihna lai a awm a, a chhan chu kan ram, heti khawpa hnufuala awm, India ram state dangte ngaituah a kan budget pawh pass hleih theih loh khawp kan plan-size pawh hre

hleithei lova awm thin te kha heng ang thil tha kan neih hian in hma kan sawn ang tih beiseinain he resolution pawh hi kan putluh a ni a.

Tin, kei pawhin ka thehluh a, pulut tu zinga mi pawh ka ni a. Tin, Sawrkarin hma a lak tumna chungchang thua hi chuanin 1987 ah Central Ministry atang pawhin he Geology & Mining Wing hi bifurcate tura tihna hi chu a awm tawh a ni. Amaherawhchu, Department te, sawrkarte hianin a dik tak chuanin sum leh pai te han chalaia administration han run hi chuanin lo theihngihl palh a awm thin a, chung avang chuan tunah te pawh hianin an lo theihngihl palh te pawh ani mai thei a, hemi resolution putluh hma hi chuan khatiang ang kan House Leader te pawhin Press Conference a neih tumna angte kha a awm lova, sawi rik pawh a awm lo reng reng a, heta tan hian agreement te hi kum 2003 ah te, 2007 ah te an lo siam tawh a ni, multinational company, Global level in khatiang anih avang khanin tunah hianin thil hmanhmawh thlak a ni a, tlai mai thei thilte pawh a ni a, khangah khanin kan sawrkar te pawh han nawr mah ila nawr hlawhtlin te pawh thil harsa thei ani a, he thil hi chu rampum in leh kan hnam tana tha kan lifeline tak tak tur a ni a hriat a nih avangin, he resolution hi thehluh a ni a, a lo chhuak hi a vanneih thlak a ni. Chutiang bawkin vawiin niah hian a changtu Minister pawh hi a vannei hle in ka hria a. Hetiang a House a, kan ram hnuk tak tak tur thil pawimawh han sawi ho thei a, a awm hi a mah pawh hi a vannei chungchuan in ka hria a.

Tunah ama chanchin sawi ta sela, a Ministry hnuai atangin pressure han siam sela, Minister dangten sum indaih lohna avang leh sum duh hawhna avang in hei chu a la remrih love han tih sak ta sela, a mah chauh chuan tan a hare m em dawn a ni. Ka rilru hian ka back-up a, ka lawmpui em em mai a, Chuvang chuan tunah hian kan ram tan a thil tha tak tak tur ang chi ah hi chuan, kan tan ho hi a tha a; rilru zimte pu a ti lovin open arm in development lo kal tur leh thil dang reng reng hi chu rilru zau hek hawk a ngaihtuahna kan hman hi a tha ani. Kan ruling member dang te pawhin kan tih a ni love ti lovin, titu nih duh na avang ringawt in hnawl theih ani. A titu pawh ni ila a tha, tunah pawh hian eng ti hawi zawng pawhin he resolution hi pass dawn phawt chuan,eng kawng hawi zawng pawhin ruahmanna kha; kan Minister ani emaw, a pu lut tu tih ani emaw Speaker lam atang te pawh khan rawtna a awm a nih pawhin, hetiang hi kan kal dan tur a ni a, sum leh pai ah engmah Financial Implication ah problem a awm lo. Nichina kan member zahawm takin a bul ami a va rawn deuh a tih pawh kha min rawn a ni lova, a that zia leh hetiang hian ka kaltlang pui dawn tih min hrih zawk a nia. Chuvang in kha kha a lo hre sual palh ang tih ka hlau va, chuvang chuanin hetiang thil tha ah chuan tan kan lak a ngai a ni. Tunah pawh hian (170 million dollars) in oil India ho hian, an year mark ah sum dahin an kalpui mek tawh a ni.

Chutiang avang chuan heng thil tha ah hian tan kan lak tlan a ngai tak meuh meuh a ni. A pawimawh ber ah chuan schedule II kha schedule I a dah a ni mai. Yes leh No ringawt a nia. Administration leh thil dang ah harsa pakhat mah a awm lo chuvang chuan member zahawm tak te pawh hian hrethiam tlang ila, rilru zau tak in tan la tlang ila, resolution hi panel ila chu chuan kan Minister incharge te pawh hi a ti chak dawn ani tih te pawh kha kan sawi duh

a. Pu Speaker, engpawh nisela hemi chungchang thuah hian he thil tha tak mai kan nei thei tur hi, a lawmawm in ka hria ani. Ka lawm e.

DEPUTY SPEAKER : Minute khat a la awm a, sawi duh kan awm zel anih chuan chawhnu lam pawh kan sawi leh zel ang a. Anih lemloh chuan hun hi tlem kan bawh pelh ang a, hei hi hrual mum dan kan zir mai dawn emni ? Engnge member ten in ngaihdaan ? Dar khat khi kan ban hun ani a, amaherawhchu, sawi duh kan awm tawh loh chuan a move tu sawm ila kan thu kha kan chiang tlang in ka hria.

Pu R.LALZIRLIANA, MINISTER, INC : Bawh pelh hret i phal rau rau chuan a tuam hlawm thei deuh mai em ?

DEPUTY SPEAKER : A resolution neitu sawm hma in maw? Anih leh tlem bawh pelh a, zawh hram i tum mai ang aw. Home Minister Pu Zira i sawm ang.

Pu R.LALZIRLIANA, MINISTER, INC : Pu Deputy Speaker, ka lawm e, Geology and Mining Wing hi Directorate a hran in awm ve rawh se tih Hrangturzo bialtu zahawm tak Pu Lalthansangan rawn move a. Private resolution a rawn thehluh tawh a, a rawn move tawh a kan hria a. Sorkar in a ngaih pawimawh tak mai Department ani a. Chuvangin inthlan hma atang tawhin Party Manifesto ah hei hi separate ani ang tih in kan lo dah tawh a. Tichuan, budget ah te pawh kan thian ten an sawi ang khan hetiang ang dah hran anih dawn hian a hrana sum leh pai lak khawm leh pawh khawm vak ai chuan ti in cheng lakh 300 chuang zet he Department ah hian a lo dah tawh ani. Ta tang khan a ngai pawimawh em em ani tih chu kan hria in ka ring a. Tin, oil zawn hna hrim hrim hi sawrkar kal ta maiin an rawn tihchhuah ni lovin, kum 1990 vel atang daih tawh khan ONGC te bul tan tir in, a hnu deuh lawkah an rawn chhuak a, tiang chuanin khulai Thingdawl pawh khuan an in bun vak kha kan hmu a. Tichuan Sorkar dang lo piang lehin, chung sorkar dang lo piangte chuan kha lamah khan anih na atakah chuan zu eipui tur a awm chiah lem rih lo va, a zawn mai ani rih a, a pangngaiin a zawngtu ten an chhunzawm char char a. Chutiang chuanin tun hun hi Central Sorkarin tender a rawn ko ta a, chu tender a rawn koh ah c huan Mizoramah hian Oil Company tha tak tak pakua (9) lai an lo lut ta ani. Heng hi Congress hun lai, Pu Lal Thanhawla hun hmasa zawk atanga lo tan tawh kha ani tih hi mipuiten kan hriat angin kan sawichhuak duh ani.

Tin, chutiang ang anih takah chuanin Mizoram zau zawng chanve aia tam 58.9 lai hi Oil leh Gas exploration hna hi tunah hian beih ani tawh a. Chungah chuanin beiseina sang tak heng oil company lo chhuak te hianin an nei ani tih kan hria a. Tiang chuanin a royalty chungchang thlengin heng hi sorkar hmasa

hun lam atang tawh pawh khanin lo sawi ho niin 12.5% hi oil ah State sorkar in a chang ang a, 10% hi gas ah State sorkarin a changve ang tih ani a. Chu aia tha zawk chuan 12th Finance Commission hianin recommendation a siam leh ta a. State Sorkar leh Central Sorkar hi 50/50 in an inthen ang tih a recommend nghe nghe a ni. Hei hi kan bawh tlang ngei ang tih a rinawm a, tiang chuanin a ram mite duhsak bik an ni ang tih te, kha lai guide line ah khan a lo awm a, a lawmawm khawp mai a, heng siam te hi. Chutiang a nih mai rual chuanin a ram mite duhsak dawn ta ila vawiinah hianin a ngaihtuah tak tak hi han tan ta mai ilangin, a ram mite duhsak tur kha kan la tlem khawp mai a, tuna kan thiante sawi ang khanin hnamdang hi helaiah hian kan chaw lut lutuk palh ang em? tih helaiah hianin ngaihtuah a ni a, chutiang hre chung chuan kan sorkar kan education Minister zahawm takin, tun School Calendar thar atang phei chuan School Higher secondary pahnihah leh College pahnihah Geology and Mining subject hi hawn a, lak luh a, chutiang lo in train chu thangtharte tan a pawimawh em em dawn tih an hria a, tunah hma an la tan mek a, a lawmawm khawpin ka hria.

Tichuan, Pu Deputy Speaker, Leader ai ka awm ve mai ang em, tlem hun min pek belh kan beisei thei ang em? Chuanin, nichina an sawi tawh zawng zawng kha 1987 atangin tan alo ni tawh a, 2003 ah tan in Adviser te lokalin chunghote nen pawh chuan sawiho a ni tawh a. Helai thil hi 1997 a Additional Secretary, Ministry of Finance, Govt. of India te nen he separation te pawh hi ngaihtuah ho a ni tawh a, vawiin thleng hian in kan vaiin tha kan ti a, sorkar kal tawh te pawhin. Amaherawhchu, harsatna alo awm deuh avanga la ti lo hi kan ni tih kan hria a. Nichina kan sawi ang khan kan Chief Minister in a statement te, conference a neihna a sawi kan han tihte kha, khami hma daih khanin Cabinet Memorandum theh luh tur khan buatsaih ani tawh a. Cabinet Memorandum kha a rawn sawi chhuak a ni a, helaia thehluh hma a ni tih kha kan sawi ve duh bawk a. Tin, vawiin niah chuan NGO ni lovin, Rorel lai ten kan moved a ni a, a tha ka ti a. Mahse, kan ram mipuiin kan hriattur hi chu Sawrkar in tih a tum ngawih ngawih pawh ni mahse la harsa deuh thil a awm avanga a tih loh te tha zawk ni a a hriat a thlakthlengte, tih loh chuan ti a invau emaw, buaina rawngkai zawng deuh va thil chin laklawh kan neih tawh hi kan sim a pawimawh khawp in ka hria a, helai ah hian kan tanrual a tul em em a ni tih kha kan sawi duh a, chutiang chuan chawp leh chillh a vawiin nia mi pawh hi tih thei mai loh deuh, mahse party manifesto-ah kan lo dah avangin kan lo sawi hnem ve tawh a, keini lam pawh hian manifesto nilo zan khat thawh thut mumang leh khalai atang tawh a policy zam hi chu a buaithlak ani, kan lo tih tawh ang deuh khan kan manifesto ah chuang na na hi chu a theih chin hi chu tihhlawhtlin theih hram hram kan duh a. Hengte hi chu kan ngaihpawimawh berte zing a mi a ni a. Kan thiante pawh hian he resolution an rawn nei ve hi a lawmawm kan ti a, kan ngaihpawimawh ang kha min rawn ngaihpawimawh pui ani tih pawh kan hria, chuvangin sawrkar in alo tum laklawh tawh ani bawk a, Sawrkarin a tum tho chuan kan resolution hi tlanglo mahsela, helai department puitlinga han dah mai chu an lo tum ani tho bawk a, kan tawmpui ve e, ti a in tihtheih hi kan beisei a ni, kan ngen bawk chu a ni e, ka lawm e, Pu Deputy Speaker.

DEPUTY SEPAKER : Kan thu a kan chiang khat a. Resolution neitu lamin Geology and Mining Wing hi Directorate hran in awm ve se tih kha an rawn sawi rual in a rulling lam pawhin kan tih tumsa tho alawm mawle, an ti a. Thalo ti reng reng tumah kan awm lova, a tha khat a ngai ila, engpawh nisela Resolution neitu sawm ila, vawiin chawhma ah hian hrualmum hram kan tum dawn nia. Pu Lalthansanga.

Pu LALTHANSANGA, MPC : Pu Deputy Speaker, ka lawm e. Hei ka resolution rawn put luh hi ram tan a pawimawh zia hria a sawitu pakhat mahin min object loh avangin an chungah ka lawm em em a. Chuvang chuanin, hemi hi thil harsate tihpuitlin a harsa lo hle tih te pawh a lang a.

Kha Cabinet memorandum ah te a lo awm a. Khata mi te pawh phawrh ang lek lek khanin han sawina te a awm a, kha khan a misguide thei mai awm mang e, engemaw kan officer-ah te pawh tih pawh a awm thei a, Engtingge a hmuh tih teh kha, khati lam atang khan ni lovin hemi hi 1980-ah PC kan Sawrkar laia lo din tawh a ni a. A hnu kum 7-ah chutiang chuanin hei hi department puitlinga awm tura tih te a lo ni a, 1997-ah chutiang zelin 2003-ah te. Chutiang tak a nih avang zawk chuanin Cabinet Memorandum in nei tih pawh kha kan lo hre lo reng reng zawk kha a ni a. Chuvang chuanin hei hi a pawimawhna atang zawka rawn tilang te kan ni a. Tin, hei District Council hun atanga House-ah meuh resolution-a bifurcate tur a awm, put luh an ni ta mai te hi a pawimawh em em a. Official resolution-ah min neihsak in leh min han pass sak hram tur pawh hian kan ngen duh che u a. A tulna kan hre tlang a, a financial implication pawh kha a tam lo hle a ni. Khatia tiha schedule 2 kha 1-a han dah mai khan thil kha a kal rem tawh a ni a. Kan Group Leader, kan UDA leader zahawm tak Pu Lalduhawma'n he laiah pass loh a tih chuanin a phenah khanin a zam chiaie tih ang deuh hlek khan a awm ang tih ka han hlau deuh hlek a, assurance te pawh kha a awm loh tur te min pek theih te pheih chuanin pass tlan kha a tha ber lom ni ? tih kha ka rilru a ni a. Tin, kan ram hnuk tak tak a ni tih kha a chiang a.

Tin, hei hi in han sawinaah pawh khanin sawrkar hnua in flagship programme a ni ngei a ni tih te pawh a lang chiangin ka hria a. Chuvang chuan, a changtu Minister tan te pawh achievement hmasa tur te a ni tih kha a lang reng mai a. Chuvang chuanin, kan vaiin pass tlang ang u tih kha kan sawm nawn che u a ni e. Ka lawm e.

DEPUTY SPEAKER : Aw le kha Resolution neitu in pass a rawn dil a, lehlam khanin, hei chu kan tum sa tho a ni e, an ti bawk a. Eng pawh nisela kan buk ang a. Resolution rawn thehluh ang khanin "Geology and Mining Wing hi Directorate hran in awm ve tawh rawh se" tih hi passed remti a piangin "remti" in ti ang a, remti lo apiangin "remti lo" in ti dawn ni a. Le, pass remti in remti ti rawh u le. (Member te- Remti) Remti lovin remti lo 'Member-te Remti lo' Aw, Remti lo kha a thawm a lian deuh zawk a ni ang. Eng pawh nisela, vawiin ni a Pu Lalthansanga Resolution Geology & Mining Wing hi Directorate hran in awm ve rawh se tih chu House-in tuna tan chuanin a hnawl rih a ni a. Amaherawh chu kan resolution neitu te

pawhin in hriat tur chu an hnawl chhan kha tih tum vang a ni a, in hriat thiam tho ka beisei.

Aw le vawiin ni ah chuan kan Business chu kan zo a ni ta a. Naktuk hi holiday a ni a, a tukleh nen kan chawl ang a. Thawhtan ni zing dar 10:30 Am ah kan tan leh dawn a ni. Tin, chumi hma a han puan ka duh chu MLA first timer kha hemi session zawhah hian meeting koh a ni a, Committee roomah kan hre dawn nia. Tichuan vawiin atan chuan kan chawl tawh ang a. Kan session chu thawhtanni zing dar 10:30 Am ah kan tan leh dawn nia, sitting is adjourned.

Sitting adjourned

At 1:15 Pm